



晉山縣志卷十

學校



邑令臨泉康基淵纂修

古者大小學辨校姪設萬二千五百家中無不教之人也今自學宮外立書院增社學三十四以豫養人才循其名則鄉舉里選之迹可尋由其道而愛敬盡於親長家之禎國之幹焉釋奠先師廟而率之以為鵠也

先師廟

五楹舊名大成殿宋乾德初為龕像明嘉靖九年從張總議改稱先師廟易像以主從祀四配

十哲康熙五十四年升宋朱子爲配享十哲之  
次乾隆三年升先賢有子若配享十哲之位

聖祖御書萬世師表

聖宗御書生民未有

皇上御書與天地參

並懸廟內

聖祖御製孔子贊四子贊

勒碑學宮

東西廡

各七楹祀先賢先儒位次悉遵頒發圖式

康熙五十三年增祀宋儒范仲淹雍正二年復祀者  
六人林放蘧瑗秦冉顏何鄭康成范甯增祀者二十  
人魯卅攷皮樂王子公都子萬章公孫丑諸葛亮尹  
焯舞了翁黃幹陳淳何基王柏趙復金履祥許謙陳  
繼羅欽順蔡清陸龍其龜正年進稱宋儒局敦順  
程頤張載邵雍爲先賢位漢唐先儒上乾隆二  
年復祀元朝門三楹宋大朝詔廟門立戟十  
常武登一戟門六枝落宗增立二十四戟櫺星門

六枝徽宗增立二十四戟 櫺星門

三

按廟制建修唐宋無可考金明昌五年知州宋利

建上世元記人廟碑載金完顏節使淑成建末詳

月九中統間知州梁可弼重修至正六年州同陳

重修學正曹秉異記元末焚廢僅存古柏八株明

武三年立簿潭景祥修宏治十一年知縣伍文震

諭牛良修見省志崇禎六年知縣胡開文修孟津

鐸記明末兵火頽壞 武朝順治三年署知縣

知齊俾修吏部郎中張萬廷記十三年知縣趙

修訓導溫廷樞記康熙十九年知縣王瑛修二十

三年教諭李滋修雍正四年知縣靳樹賢修并記

祭器樂器

明末兵燹殘缺雍正三年加增

樂舞

康熙二十九年河南巡撫閻興邦題設

崇聖祠

三楹在先師廟後明嘉靖中建宗真宗始封尊

聖之稱始於元天曆帝正三年加封五代王

奉主致祭改今名先賢顏氏無繇孔氏鯉曾氏點孟  
氏激公宜先儒周輔成程珦朱松蔡元定配享雍正  
二年增祀宋張迪萬歷三十七年知縣令孫必修敬  
諭萬應禎記乾隆二十五年教諭陳常訓導劉筆華  
修

名宦祠

三楹在廟東歷朝入祠木主 東漢陸渾令董  
宣 魏伊州刺史公孫景茂 唐伊闕令李商

隱 宋順州刺史任伯雨 金萬州刺史賈武 姚

內斌 元伊州左丞張伯玉 伊州學政曹秉彝

明嵩所指揮任亮 知縣王景道 王俊 吳祥

王揖 國朝巡撫李輝祖 糧儲道范周 督學袁

九徵 督

學張仕可

按祭法以勞定國以死勤事有功德於民者祀之唐  
伊闕令張拯不受偽官陸渾令蔣進美政流行汾陽  
王賢其清事見唐書而舊志失載明知縣李化龍載  
在正史王夢蛟尚存鶴澤祠遺愛應不空其詳上尚

謀人下而舊志未入豈兵燹後木主或毀耶  
知縣徐士訥至今七十餘載萬民謳思如昨亦應入  
祠又萬自南渡後始名順州北宋時不應有任作  
刺史隋改伊州為汝州元無伊州魏之伊州乃在襄  
城郡漢董宣令陸渾史無明文李尚隱伊州乃在襄  
皆應校正者至巡撫學政前代如于忠肅謙本官  
下邑似宜在省會按臨之  
所謹備芻蕘俟採擇焉

鄉賢祠

三楹在廟西歷朝入祠木主  
唐元德秀 梁肅 宋程端 崔與  
明程良 王弼 齊魯 王古寶 李

元賈惟仁 明程良 王弼 齊魯 王古寶 李

董相 孫鳳 李臣之 董 王古寶 李

傅高 王守誠 屈大伸 董 王古寶 李

按鄉賢祠志亦有闕誤史載梁毗為安定烏氏人非  
萬庄唐劉鑣堅却朱此以允明在侍郎鄉祇牴牾逆藩

光緒史冊并宜崇祀以勸末俗舊志遺之

豈曾經入祠而亦毀於兵燹蓋不可考矣

惠義孝弟祠

三楹雍正九年奉文建歷朝入祠木主

商伊尹

宋程顥

程頤

明董政

杜

端 國朝姜人

武君烈

按惠義孝弟祠我

朝特典褒崇今武君烈已蒙校

入又如宋翟進與兄與向護陵寢戰殺張崇德劉月

江以邑諸生摠流寇誓守殘若生氣凜凜徒以易代

搶攘之會未預祀典湯九州新賊潭頭轉戰伊洛延

義膏墓於嵩雖籍隸石康亦應入祠以慰遊魂至伊

尹二程俱有專祠二程從祀廟庭位先儒上以無庸

再列用

明倫堂

五楹在文廟西舊名東序未嘗知幾故今額朱

縣唐兼重修萬厓間

敬一亭

三楹中刻嘉靖御製敬

知縣王豫立重修

一黃冠氏心歲程子四

及以儒林門三泮池

在學宮南嘉靖中知縣劉尚德

鑿引秀水及黃貫思十八也登

碑 儒林門 三 泮池 在學宮前 嘉靖中 知縣劉尚德

橋其上後湮塞乙酉春知縣康

基湖疏故渠引賈若水復其舊

學田 元大德甲辰知州馮祐撥地六百畝有奇為學  
田今尺籍無可考 本朝置田共一項七十

畝四分

二厘

培文地 九十一畝三分夏秋租一十九石零以調餉  
貧上乾隆二十九年巡道歐陽永有撥餉知

縣康基湖查詳定為

培文戶名勒石學宮

儒學署基 明倫堂東西凡三以  
前明設訓導二員也

按舊志明倫堂東西齋曰進德修業各三楹齋下東

厨庫西廩廩貯田租今皆圮廢城隍廟西外墻余南

北二十五間以處諸生之無

居者錄存往跡以俟興復

州縣莫不有學則莫不有先聖廟矣然設而賢文集

州縣莫不有學則莫不有先聖廟矣然設而賢文集

如柳子厚柳州夫子廟碑與歐公棄州穀城縣及劉公是新息縣蓋城縣夫子廟記皆言廟而不反學蓋衰亂後庠序頽圯教養廢弛而文廟獨存長吏之有識者以興學為教事重費鉅故姑置文廟俾不廢祀所謂猶賢乎已然聖賢在天之靈固非如柳老二氏與典祀百神以禍福震動愚俗為神而欲崇大其祠也廟祀雖設學校不修果何益哉

### 伊川書院

在城西北隅舊名樂道改今名乾隆四年知縣戈錦創建草房五間設義學十年知縣徐

幾增講堂書室二十間入山坡地十頃一十八畝詳建書院三十一年知縣康基淵增修書室十間藏書樓一間購貯經史改建大門三間廚房三間藏書樓兩五錢零糧銀八兩五錢三分詳奉名憲其先是年冬人僧大潛捐入西庄河地租錢四百九十員陳兆祥捐入白河地租錢六十三員五百員共銀六百七錢一分一厘地皆山坡不計畝數



有碑記文  
不贅載

附錄原詳河南府嵩縣為詳請裁併書院以崇寔效  
事竊照書院之設養育人才故延師掌教官為錄送  
生童按時考校鼓勵有成事歸實濟中縣舊有書院  
兩所一在城為樂道書院其一則在鳴皋縣六十  
里為伊川書院始於元至正間炮手總管治守其地  
建設嗣因僻處鄉樹勢難親歷考課遂至墮廢乾隆  
二十二年前縣張履鑑詳請復設入控案山樵無林  
瘠地二十餘頃不葺年而房屋盡頽今雖延師設教  
歷年成猷民居遷移無定官不能按時遠歷徒循書  
院之名無補設教之實幸逢 各憲圖治精詳卑職  
豈敢因循舊習不為籌畫查卑縣諸生內勤學之士  
半多貧寒非優給膏費實難住院專心講貫又查卑  
縣現在四鄉設立社學三十四處鳴皋即居其一業  
經叙冊通詳在案合無仰懇將鳴皋伊川書院裁併  
題於在城樂道書院以一規模而收寔效其伊川書  
院經費原租銀一百三十五兩五錢六分三厘樂道

書院原租銀一百三十兩一分三厘統計二百六十五兩五錢七分五厘除每年協濟周南書院銀五十兩外共計一百二十九兩五錢七分五厘向例院長修金八十兩今較寬餘請增定每年一百兩擬錄生童往院肄業者三十名每年各給膏費銀四兩其是在有志向學而貧寒舌耕不能住院者請亦錄取二十名按月會課每年各酌予膏火銀二兩以資鼓勵二共需銀一百六十兩其他完糧贖見節儀學夫工食等項共應銀三十五兩五錢三分統計需銀二百九十七兩五錢三分除地糧銀二百二十九兩五錢七分五厘不敷銀六十九兩九錢五分五厘以顯即分廉捐給按年造冊報銷俟有可撥再為抵付以垂永久惟嵩山僻小邑生童欲讀無書甲職於今歲正月內捐購

定經書性理精義朱子綱目唐宋大家詩文等籍開明書目置院內專令齋長將來并入交代畢藏為以時至院為用書院原史

武定州南廡下大門內添建廡房十間伊尹祠  
英書院一間以貯書籍大門東西添建二間以貯  
夫並請刻石於書院改顏伊川以昭近紹先儒  
有以體例亦擬相符理台造具此詳并捐置書籍  
冊繪圖具詳伏候查核批示遵行  
行乾隆三十一年六月具詳

撫憲阿 批據詳歸并書院捐建廡舍置備書籍具  
見樂育人才之意該令於高邑一切政務俱有條理  
甚為實心殊堪嘉尚仰布政使  
司轉飭照議辦理此繳圖冊存

藩憲佛 批查該縣議請歸併書院以便考課具見  
悉心學校洵屬可嘉已奉院批轉飭照議辦理在案  
圖冊  
存

本道歐陽 批據詳伊川書院裁歸樂道書院并請  
將樂道書院改顏伊川以昭近紹先儒洵為允當  
添建房屋捐備經書具見樂育人才雅  
意深堪嘉尚餘俱如詳行繳圖冊存

本府朱批據詳歸併書院以資寔濟調劑得宜誠  
為有功名教之舉至於每歲捐費多金更見急公之  
雅但捐項難垂久遠如再妥籌以為久  
遠計則物不唐捐垂愛無窮矣圖冊存

### 鳴舉書院

舊名伊川元克烈士希建薛友諒記趙孟頫  
書明永樂中僉事劉威重修有記今存先師

殿三楹舊志載春秋上丁日致祭康熙二十七年知

縣徐士訥建兩程祠三楹有記二十九年河南府知

府汪楫增修大門二門有記乾隆二十二年知縣張

頤鑑入控案無糧瘠地二十四頃零詳請復設蒙委

宜陽澠池二縣履畝勸查實係嶺脊砂坡准免陞科

如遇無收酌減租稞今詳明併入縣城書院在案

元薛友諒記聖天子總統御極務以文德化天下洛

邑土厚俗醇恪於用命不數歲家戶詩書庠序之教

大行重以兩程子故里在邇高山仰止明德新民之

學日以昌明伊川鳴舉院是千軍總管勛實載績易

傳遺書有得更名士希建薛友諒記人惟不書左不為物欲

所蔽吾儒讀書學道以成己成物為第一義迺問

建伊川書院於鳴皋十年工成門廡講堂諸室如  
自為記其子蕙頌鉄木復起稽古閣貯書萬卷  
三年春三月來京師謂友諒曰先子聞道晚而為  
力所創書院願得上聞更錫嘉名友諒為葉賢大  
士趙孟頫言之頌以聞上嘉之賜頌曰伊川書院命  
翰林直學士友諒為文勅諸石集賢學士趙孟頫書  
丹參知政事郭貫篆額臣友諒謹再拜稽首奉詔鳴  
呼士希培植人材之心慕頌鉄木維承河人之美非  
聖天子俞旨褒揚則未遑來歌之士何所觀感興  
起哉是舉也豈徒河洛多士之幸實世道之幸也  
汪楫記河洛貫穿天地間圖書出焉聖人則之以作  
易序疇而開千古為學之統自洙泗揚其波而流或  
息盪于而後歷千三百餘歲二程夫子始生親承燕  
溪太極之秘倡明絕學張印諸子聚於河洛之間為  
道學所滙東海西程書院所為以伊洛名也伊川先  
生晚年遷居龍門之南文潞公為置田千畝於嵩  
鳴皋先生講易之地宋南渡後僅存廢址元統制克  
烈士希讀先生易傳有得建伊川書院元末尋毀明

萬曆時程氏子孫求潞公所置田千畝與七人松經年不解康熙已<sub>口</sub>余有事嵩廬間過兩程故里訪伊川講學之地惟存短碣教諭李旌言書院遺廢宇三楹供至聖木主伊川講席邈不可識矣方建兩程祠二人恐祠成而直及其田猶曉曉不止也嗚乎自宋而後世代屢更千畝之田已什伯其主豈可復問顏因田不可復而并廢其祠廡祠成而史求其田皆感也且伊川者萬世之伊川書院者天下之書院程氏不得而私之其子孫又烏得問之吾人讀先生書身歷其地詎甘出士希下耶爰亟為修復而書其畧於石

和樂書院

在海島村宋張文定公齊賢建今存先師殿三楹舊志載春秋上下日致祭三十二年增

寺名八百

三社學

程氏義學

兩程祠內博士程宗孟置地六  
其餘畝為後裔延師讀書之資

社學 舊志簡明城關一十五所俱焚廢康熙元年知縣

楊成美設城內鳴華花廟湯下凡四所二十一年知縣成旅設城內辛店二所因無修膏地故皆於置旋於四十五年知縣許霖吉開墾荒地一項八十餘畝建學鵝澤祠內乾隆四年知縣戈錦又入勘案地一項零改建文昌祠內十年知縣徐璣併入樂道書院為師生修膏社學遂廢三十年知縣康基訓查聚民間絕業糧地二十八頃九十九畝分建城隍三十

四所俱有記

附錄原詳河南府嵩縣為詳請一憲鑒事竊惟治民之道教化為先誨導之方禮讓為要卑縣僻處山隅幅員遼闊東臨汝洛西南層山廣袤千有餘里民雜五方錯居澗谷者十餘萬戶向惟設有樂道伊川書院兩處聚授生童各三四十人大抵皆縣東境人士其西南山村庄六百餘處山路修阻從師無由童蒙子弟及無力貧士安於固陋莫克振興山境數百里內乃至無一人應童子試聞有頗知延師又多推奉

差識字之民人雖語孟句讀不能通曉是以民生愚昧罔聞誦讀雖風仍淳朴而難免粗野所當亟為立學延師講授俾識觀摩興於禮讓卑職於二十八年十二月抵任後即留意經畫籌建學舍俾規模寬大師生可以容止蓋置地畝俾驟難移易修脯可以永濟其學舍一項當由村落零散難以教村聯為一學先經隨地相度採協與論三州年正三三五等月先於縣城北門內因三元閣廢廟僧房十五間建立城關社學又於東境橋北村因奉文毀廢三教堂房屋十八間建元里社學又田湖舊有官廳一處房十間添買東偏民房四間共十四間建田湖社學又柿園村因該村原建義學蓋以水陸堂廢院共十四間建樊村社學又鳴皋北寺因海紅絕業僧房十一間建鳴皋社學又四合村議撥三官廟空房十間建為新營社學又華渠因明季舊置官廳六間後倉房三間共九間建華渠社學又於西境南店空廟十間建社學又德亭置賈民房八間建德亭社學又嶺峪村據耆民捐置民房八間建蠻峪社學又大章因老



君殿空房五間添建六間建大章社學又舊縣因街  
東僧房十二間建為舊縣社學又湯下營據士民捐  
置房屋九間建湯下社學又潭頭議撥上神廟空房  
六間添建六間建潭頭社學又樓關據鄉民捐置房  
屋九間建樓關社學又羅村據鄉民捐置房屋十七  
間建羅河社學又於南境孫家莊廢堂房屋八間建  
莘樂社學又呂屯據民程典型捐置房屋九間建寺庄  
社學又南庄查有乾隆八年民牛法原捐置義學房屋  
十一間建溫泉社學又九店據耆民捐置民房六間  
建學南社學又高家屯據士民捐置房屋十一間建  
花廟社學又海角村因和樂書院三間添建房屋八  
間共十一間建燕王社學又葛家砦據士民捐置房  
屋七間建堡南社學又常峪堡議撥太山廟後空房  
七間建常峪社學又兩河口據士民捐置草房九間  
建汝河社學又東村據士民捐置房屋六間建東村  
社學又孫店議撥三官廟前空房八間建孫店社學  
又汝源鎮據生員王元龍捐置房十間建白河社學又  
柳林議撥三官廟空房十七間建柳林社學又於北

境郭家村因廬家堂空房二十間建高都社學又趙村議撥慶安寺西院空房七間建趙村社學又石村據士民捐置房屋七間建源頭社學又樊川因法華寺空房九間建樊川社學又石碣街因公倉兌易後街房屋十一間建石碣社學以上或坐落市鎮或於村莊較密之處各隨地宜斟酌適中遠麗於近小附於大俾鄉民便於從學其修建房屋之費俱各出士民情願卑職並亦捐廉協幫絕無抑勒派擾自二十九年十二月經營始事三十年五月告竣共建立社學三十四處計學舍三百七十五間其經費膏火一項當查卑跡地畝半屬山坡陡瘠每有外來流寓之民墾荒墾科或因事故或因種久地薄承買無人業其雜業移魁本籍更有水旱之產本土戶絕墾廢廟無住持舊產遺糧無人完納率為近隣薦佃項糧佔種又有古荒小廟一間半椽坐落曠野荒山亦有併無廟宇但相傳某廟名色者皆各有完糧基地數畝數十畝不等又有民間古渠今廢開墾成田或賽會朝山公積置地或樂善好施愿捐設立義學者查已

朝山公積置地或樂善好施愿捐設立義學者查

項地畝俱有完糧戶名常年封納無缺其租標或即  
舊佃頂糧自種或地保村畝收租辦理社會公用均  
無寬濟其絕產更屬例應入官卑職示諭令各首報  
仍着承佃納租入充該保社學膏火民間立學該保  
於已甚便又思永得佃耕辭相踴躍爭先呈報先於  
示諭之時嚴禁滋擾並不差書後丁知查辦凡入民  
間修橋修路公地及一切牽支爭訟並向已歸入僧  
道住持寺觀成爲香火地畝者舉不准首並不許士  
民捐輸是以民情俱各安帖鼓舞竣事計自二十九  
年十二月起至三十年五月止撥士民銀兩等陸  
續查報無主糧地三十八頃九十九畝零共原額丁  
地銀四十四兩八錢七分三厘卑職當各按地畝肥  
瘠地方遠近均勻酌派每學數十畝及一二三頃不  
等定爲塾師歲修每年約二十餘金凡資膏火又恐  
將來以升斗大小租籽糞草等項一例按數改折  
錢文以歸簡易共計折租錢六百五十五兩零銀四十三  
兩八錢零又查原額糧銀四十四兩八錢七分三厘  
八毫共原戶名一百五十三戶於今春通行歸併改

立各該社學三十四戶名以便完納又於各學內供  
先師並伊尹兩程朱主酌定學規十六條刊覽木榜俾先  
生知所以教弟子知所以學門首各顏某社學延譯  
本邑學問優長勤於訓迪之舉貢生員三十四人分  
主其教於三十年二三四五等月均入學開館凡蒙  
童俊秀及貧不能學者咸入其中又各設學夫一名  
供水火掃除之役催覓孤獨無依貧民壽酌工食以  
資養贍至派定地畝諭董事十人公同分年收管催  
租納糧經理一切官為稽查不經胥吏之手學師膏  
脯即令董事隨時致送歲終將收支各數呈縣報銷  
仍於每月查核功課分別獎罰又自為各社學記  
石各學以誌始末現已一年有餘師生頗各知奮勉  
教學無倦是否妥協理合繪具通縣地圖並社學總  
圖造具地畝坐至清冊抄錄條規備文具詳以候鑒  
核批示立案以垂久遠

乾隆三十一年六月詳

撫憲阿 批為詳設立社學具見造就人材之意甚  
屬可嘉該社設學既多必須勤於考課俾師徒共知

屬可... 設學既多必須勤於考察卑邪走夫...  
准庶可收其寔效仰布政司移行該道府加意獎  
仍轉飭終始留心毋致有名無寔可也此繳圖冊

憲佛

批查該縣設立社學振興文教洵堪嘉尚

以收寔效

圖冊存

泉憲何

批社學為家塾黨庠遺意乃人材所自出

治化之先資該縣有意振興文教廣為籌畫因地措  
置隨宜設立就現有之便利定垂久之規程不事矜  
張已觀成效洵為寔心寔力裨益地方殊堪嘉尚仰

河南府飭照批示立

案繳冊圖條規存

守道憲溫

批據詳創建社學三十四處延師教授

開導顯蒙振興文教誠為立政之先務而營設館舍

經畫膏火均井井有條至叅酌先正遺規臚列條約

簡而有要更為養正切寔工夫該縣前此濬渠通利

既得勸課力田之模今茲訓俗型方復得作興振德

之道教養具舉美斯備焉仍當思其始而成其終敦

勉不急治行履異

寔所深望圖冊存

本道歐陽批據詳建立社學籌設經費並酌定規

條延師課讀皆今日有司所視為迂濶不急之務者

該縣獨能精心密慮學畫經營至三十四處之多匪

培桃李私蔭實普致飲雅化各士民踴躍捐輸房屋

共襄盛事均稱可嘉亦

應分別獎勵圖冊存

城關社學

批萬邑山民椎魯今創設社學三十四處

本府朱延師肄業井井有條不惟行於一時且可傳諸永久

斌斌郁郁數年後德化漸濡華心華面何虞風俗之

不淳古也卓行異政於斯可覘仰候各憲批示此復

康基淵記縣城故存社學六處澤祠內學地若干

分租錢二十三千九百餘銀一兩八錢三分

父老猶能言之後則樂所入

維嵩民土風淳厚士多勤懇簡質循古周南之遺其  
間卑寒子弟無力延師方其童時不勝衣冠也則相  
率嬉戲里閭習為鄙俚不經之談及稍能力作又祇  
入山樵薪逐食市井有終其身不知禮讓為美詩書  
可貴者予心惻焉得絕業地若干畝因三元闢廢其  
建社學為四鄉倡以處城關子弟之貧不能學者去  
書院教秀士社學養童蒙秀士之教兼治經術童蒙  
之養先崇禮讓由社學而入書院其道順有書院而  
廢社學其術乖本末源  
流之際蓋不可誣矣

### 高都社學

建盧家堂學舍二十間地一頃四十六畝租  
錢十八千七百糧銀一兩四錢五分三厘

康基淵記甲申嘉平予有事於社學圖度初定顧念  
斯事計必經久若其始官為責辦必滋擾而事中曠  
其後官為經理必名存實亡而不垂遠重難其議違  
久而未發乙酉正月高都人來言於予曰古者術序  
黨庠家塾遍列鄉國學之不可已而不厭其多如是  
也社學即鄉校於高都遼淵尤宜請以盧家堂改學

舍以王韓二姓絕產供脩膏常是時予方經營城關  
學得是而幸其人之不難乃鏡意立章程泰酌朱子  
童蒙須知程董學則及方正學王文成呂新吾各條  
而慎擇其可行者以為學程榜列學內頗其額口某  
保社學以齊一耳目中奉先師及先聖二程夫子木  
主蓋鄉大夫沒而祀於社者遺意也高都然城關  
各社無不然者記列於茲以見予不度德不量力思  
建社學為百年計幸得因人有成者蓋未嘗不自城  
關高都始也

元里社學

建橋北學舍十八間地四十三畝六分租錢  
二十二千三百零糧銀一兩三錢六厘有碑

記在  
學內

莘樂社學

建孫庄學舍八間地一頃四十五畝二分租  
錢十九千九百零糧銀一兩四錢五分二厘

有碑記  
在學內



在學內

三塗社學

建南店學舍十間地八十畝六分租錢十  
九千四百零肆銀一兩五錢二分七厘

康基淵記伊水從崖口端湧而下潏洄北折其陽古  
三塗也明洪武間李御史致政歸居於此立義學召  
鄉子弟躬自教授李爾高化後先登科今義學既無  
可尋御史亦失其名第有墓在玉泉山下夫洪武至  
今代幾更矣御史以朝廷喉舌臣歸田後不忘後學  
若此視夫繫心爵祿流放山求者相去何如也今並  
其名流之意其間詩書之澤必有斬絕於中葉者矣  
蓋嘗論天地壽以聖聖人壽以書書之壽在於學人  
知敬學風教以成古賢聖之遺跡鄉先達之流風乃  
不在語言文字之末而深沁入於愚夫婦饑食甘飲  
之心骨也愚在越教百年而遂漸沒也耶然則人之  
不可不學而三塗之不可以無社學茲非其不遠而  
可鑒者與

蠻嶺社學

建蠻嶺學舍八間地四十七畝租錢十八千  
六百零肆銀一兩六錢七分二厘有碑記在

學內

德亭社學

建德亭學舍十間地八十二畝八分租錢十  
八千四百零糧銀一兩四錢七分七厘有碑

記在  
學內

大章社學

建大章學舍十一間地六十五畝五分租錢  
二千六百零糧銀一兩三錢四分九厘有

碑記在  
學內

舊縣社學

建街東學舍十三間地八十畝三分租  
錢十六千七百零糧銀一兩二錢六厘

康基淵記舊縣古伊陽治縣廢設巡檢明季與沒大  
嶺分防今專司西抵小河柳林南極白河東村連七  
縣界周方六百里盤山疊嶺中以緝奸匪職在是矣  
而制治清濁之源不在於是今使愚民不與禮義而  
惟事糾察雖十廷檢治之奸亦不戢非勢不可其里  
失也舊縣北如龍博竹園伊水之南平亮柳溝等村

失也德然此如龍傳竹園尹水之句  
險遠縲曲五方錯雜民性多悍建社學於  
俾秀民入學講習者沛然知禮義之為美  
即生長寧谷迷昧罔知亦得因事期集循  
寧禮之舍與觀乎揖讓周旋進退雍容之  
節潛消其異戾而戒勉於為善所以為愚  
民保安身命之至計以助防奸詰暴之所  
不能及並以見朝廷設官衛民非徒恃法  
制禁令之末而有其本也

### 湯下社學

史中營學舍九間地一頃四畝七分租錢十  
六千一百零租銀二兩糧銀一兩四錢四分

里

康基淵記予讀為人物志齊都御魯者常洪武朝以  
政言血諫名天下竊奇其為人訪其里居在湯營今  
稱齊家灣九龍山之側有墓焉嘗適湯下見所為九  
龍山者由平亮磅灣數十里俯視群山至湯下峯忽  
中開危崖壁立聳矗如浮屠巖隱伊水上俗稱湯下  
若有湯泉焉熱可熟鷄小魚寸許時來將泳岸旁草

盡紅色引灌稻田粒色正赤乃近在九龍山西南巒  
蓋管觀萬境多山龍池蔓極峻七峰極秀而九龍山  
乃極奇特精英之氣鍾於人而瑰材異士出焉殊可  
信也然又疑洪武至今四百年來何寂寂無繼起者  
也既乃課其生徒器宇之偉其姿表之清穎又未嘗  
無其人焉豈造物者之有時而或歸耶養之無其道  
教之不以方雖才智亦同歸廢棄况下此者乎然則  
建立社學聚而教之培其本根澤以詩書蓄積之久  
將有如齊都御其人者而又以

信

山川之靈異於今不昧也

詩書

蓄積之久

潭頭社學

建潭頭學舍十二間地九十一畝五分租錢  
十七千九百銀八錢一分二厘有碑記在

內學

樓關社學

建立樓關街學舍九間地一項五十四畝租  
錢二千平銀八錢七分有碑記在學內

小河社學

建羅村學舍十八間地一項八十一畝租錢  
十四千七百零租銀六兩銀一兩五分有

小河社學 五... 十四千七百零租銀六兩... 租錢

碑記在學內

柳林社學

建柳林村西學舍十七間地一項八十畝租銀四兩租錢一十五千七百零租銀一兩七

分五里有碑

記在學內

白河社學

建汝源鎮學舍十間地一項十五畝租錢二十一兩零租銀一兩一錢八分四厘

康基淵記白河即清水發源攻離山經流百二十里

至喬灘出境南合端必諸河又南至襄陽入漢江為

人知為白河不知為清水也兩岸巉岩峭壁蜿蜒盤

錯距縣三百餘里接盧內南魯界中有七十二曼最

著者龍池曼嶙峋插漢勢遠極天循西南麓綠石壑

踰二十里始臨絕巔主峰削若列屏白雲徑穿乃在

其下故稱大曼也其白雲山立石崖麗青黃連等塚

吉祥紅椿鷺脚等曼聳拔各數千仞而皆拱於龍池

大曼之上有龍湫烏石罅中有物時出類蜥蜴遇旱

禱雨輒應白河之岸多石涂又有石洞在黑龍壩下

學校

其深叵測恒澗無水每歲清明寒露三日則水移洞  
 旁魚白洞擁出躍入河多乃不勝計土人呼為魚洞  
 山川靈異孕變鍾奇亦固有非人思議者獨惜自古  
 迄今尚多未傳也其間居民五百餘戶率散處墾食  
 無十家聚居成村落者蓋米交易在汝源鎮子建社  
 學非汝源無他所矣鎮故王氏業王生廷珪閩山民  
 推魯期建義學而未果議興子元龍捐市房十間為  
 學舍以處師生吁亦足以見此事之善人有同心而  
 白河居民之不可以無教其不教而辜此山川保其  
 人如野禽麋鹿角逐虛生于天地抑亦有土者之愧  
 也

孫店社學 建孫店學舍八間地一頃八十四畝零夏秋  
 並房租錢二千三百零七兩七錢

六分有碑  
 記在學內

東村社學 建東村學舍六間地一頃五十畝租錢二十  
 一十二百零七兩一錢五分有碑記

東村社學

建東村學舍六間地一頃五十畝租錢二十

學

汝河社學

建兩河口學舍九間地三頃七十七畝二分租銀十兩六錢租錢八千二百零糧銀一兩

五錢二分三厘

有碑記在學內

寺庄社學

建呂屯學舍九間地一頃五十六畝租錢十九千零糧銀一兩三錢六分九厘有碑記在

內學

溫泉社學

建南庄學舍十三間地八十六畝租錢五千八百零糧銀十四兩一錢糧銀一兩四錢四

分三厘

康基淵記于茲萬年餘往來遠近間知南庄有學而不知為義學也此議建社學始為予言之且曰民人牛法者始其事捐所及學舍割業地四十畝歲入供脩膏其人生不知其學舍割業地四十

元滿猶進行之勿改替子聞之色然喜而又嘆不識  
 字不足為牛法情也匹夫慕義何處不勉如牛法者  
 彼豈急急於名也哉天性之厚其有發於誠然者耶  
 不然家非素封而歲棄數十畝之入亦及其身止矣  
 而乃保其信於妻若子急急於名又豈有是哉乎心  
 嘉之爰更易王姓房十三間令實捐地二十畝蓋以  
 白熊洲廢業為經  
 久計成其義也

華南社學

建九店學舍六間地一頃五十七畝五分租  
 錢十千四百糧銀四錢二分四厘有碑記在

內學

花廟社學

建高屯學舍十一間地六十一畝租錢十六  
 千三百零糧銀八錢二分四厘有碑記在學

燕王社學

建海角和樂書院學舍十一間地七十四畝  
 零租錢十六千九百零糧銀一錢五分



燕王社學 零租錢十六千九百零糧銀一兩五錢五分

學內

崇安社學

建常塔壘通安塔壘三間地四畝六分  
租錢十八千二百零糧銀五錢一分

內

堡南社學

建葛若學舍十一間地六十一畝六分租錢  
十八千五百零糧銀一兩三錢二分二厘有

碑記在

趙村社學

建慶安寺學舍十間地一畝五分租錢十  
九千一百零糧銀一兩五錢四分三厘

康基淵記城北十里許內趙村其川之委于所開板  
閘渠在焉又上閘屯九峪距城稍遠北近移冊關鄉

民從師其艱方予營社學自冬迄春大器已就而趙  
村猶未之及四月五日始事越數日規模具不閱月

師生成入學矣其經始也後諸學而觀成也獨速天  
下事固有急之反以緩緩之斯盡善善與事之節不

學內

容獵也夫將碁置三十學於千里境內民所不習而恒情之所驚畏也耳目不親心計不密則滋擾有之更或所與非人權乃旁落因以為利者有之即不然張皇束縛要於吏就民乃忘其利於己或且以為上之急其名而便於私圖也俄頃而成之亦俄頃而毀之不如其已今趙村之學緩於謀始之過慎速於樂志之樂從然則其後也乃其所以為可久與

源頭社學

建石村學舍七間地一頃二十二畝租錢十  
 一十五百租銀七兩一錢零糧銀一兩四錢

一分  
 七厘

康基淵記源頭東西村名義本諸程子其尤疏名焦  
 淵今春予始析源頭樊川為二條議建社學純生從  
 割業地二十餘畝勸事介召生為言予曰不然好義  
 樂善之力向予所護惜不為也且予所以為此  
 將使吾民樂其生以復性為久道計必圖慮深遠多  
 所不為又恒緩之而不取急仰民力不勞而趨尊也

如飭斯於事理為得耳若輕於聽捐是誘民以虛  
相耀無以處夫好善而力誦者也又况通縣三十餘  
學非可盡以捐成矣成而取於捐猶苟且之設未有  
焉且於始而飾垂久不撤者且吾民中其為養老恤  
幼朝夕不贖不獲遂所欲者多矣魏生移此意以之  
於賦里使人慕而為之是即于建學立教之本意而  
不必於社學也呂生然之而退今社學建石村絕  
業地是數修膏其事未始不難而又未始不成也

樊川社學

建法華東學舍九間地一頃二十六畝租錢  
十八千二百零銀一兩五錢七分二厘有

碑記在

石碣社學

建石碣學舍十一間地一頃二十五畝租錢  
十六千七百零銀一兩二錢九分五厘有

碑記在

四湖社學

建田湖學舍十四間地一頃五十六畝四分  
地租並水磨租錢二千二百零銀一

兩三錢四分九厘

有碑記在學內

### 樊村社學

建柿園學舍十四間地五十七畝九分租錢

康基淵記樊村蓋嘗有絕業地數十畝藉其所入延

師為義學矣緣其地毗連民業又公產強有力者使

佔移易僅存二十餘畝東脯不敷歸村社積租十餘

年乃修學宮三間繕垣以埤即今村南建社學者也

嗣又互爭其利訟於官已而歸公其迹遂廢夫興廢

之故至靡常矣其興也以人其廢也亦以人予建通

邑社學率絕無基址而創之者樊村尚存學舍可因

不當棄置爰益以學東廢院別求絕業地若干畝延

師其中而樊村社學遂復或曰昔之興者可廢安保

今之方興者與予曰不然是不可以前事律也夫予

所建社學通縣計三十餘所矣通縣盡廢而樊村廢

此存乎運數無如何者也假通縣無一廢則樊村必

不廢樊村而獨廢必其村虛無一人焉且必盡也富

非空桑或訖河柳樹等村故保無一人焉而後也

如其不然則寧望而丹雘之者方未已也而何有於廢也

鳴鑿社學

建鳴鑿學舍十一間地六十畝二分租錢十九千三百零糧銀一兩六錢二分四厘有碑

記在學內

新營社學

建四合村學舍十間地六十畝零租錢十六千二百零糧銀一兩一錢七分八厘有碑記

在學內

莘渠社學

建莘渠學舍九間地六十七畝五分地租並水畧租錢二十千二百零糧銀八錢三分五

厘有碑記

在學內

按各社碑陰詳載學地頃畝記文節錄數首餘省至立學三十四所基布境內圖始為難善後不易已載原詳者不贅述其他因地制宜行之三年人樂遵守均有案據者如地租皆從優減俾貧無欠夏秋聽

事史催租董事致送并取社師親收押帖以防侵蝕  
 完納條銀照小戶例折錢以免傾耗社師俱延本邑  
 宿宰以防濫觴董事十人輪管以均勞逸春月修費  
 支借社穀八石夏租內扣還錢四千文以濟寒醵學  
 值八名優免雜差以供學夫各社書籍同籍收管學  
 內以免散失以上各條均因地方法遠濶各學董處經  
 理匪易謹述梗概以存鄙見踵事有增  
 望諸耆耆并詳列三十四學書目如左

御纂周易

春秋左傳

明紀綱目

通考詳節

欽定詩經

云羊傳

小學

韻府群玉

欽定書經

穀梁傳

近思錄

昭明文選

欽定春秋

左傳

康熙字典

康詩解

御纂性理

爾雅

古文雅正

四書滙纂

欽定四書文

周禮圖翼

古文淵鑑

八集分編

禮記

五經旁訓

唐宋八家

八集續編

海飲酒

按鄉飲酒禮詳見儀禮周禮其義詳見禮記凡鄉飲酒禮一則鄉大夫三年升賢者能者於若將用升之也為飲酒之禮一則鄉大夫朝服既先士而謀實介也鄉大夫之於士以為賓其次以爲介又其次以爲賓介也與之飲酒皆飲於序以鄉大夫爲主人也一則州長春秋以禮會民而射於州序因而飲之用長爲主人也一則黨正邦常鬼神蜡祭以禮屬民而飲酒於序黨正爲主人也鄉飲酒三年一飲州則一年再飲黨則一年一飲使民知尊長養老入孝弟而或教故孔子曰吾親於鄉而知王道之易易也今世於行賓士介俱據禮禮賓於序建歌合樂蓋即鄉大夫飲國中賢者於序之禮尊賢養老之義也自漢以來未嘗廢也蓋永平三年即舉行鄉飲酒於學校祀先聖先師周於孔子牲以大夫賔賔六年於天下行鄉飲酒禮又於其始飲酒禮一也後於天下每年令州縣長官親率長幼依禮行之俾人知敬讓亦結興十三年林府長修定鄉飲酒禮範漢制明洪武初詳定鄉飲酒禮得式宣十二年再定圖式使民歲時宴會習禮讀律

期於申明朝慶之法教長幼之節  
年舉報賢僕於正月望十月朔舉行三次詳見會典  
誠化民成俗

之令規也

附錄唐宣州刺史裴耀卿疏曰州牧縣宰所主者宣  
揚禮樂典校經籍所教者返古還淳上奉君親下安  
鄉族外州遠郡徒聞禮樂之名不知禮樂之實竊見  
以知飲酒禮頌於天下比來唯貢舉之日路用其儀  
聞里之間未通其事臣在州之日率當州所管一  
血父老百姓勸遵行禮委樂歌至白華華黍南陔由  
與等章言孝子養親及物或德之義或有泣者則人  
心不感不可蓋德德以州縣久絕雅聲不識古樂伏  
請大常俱有李君大常久備和聲請令天下三五十  
大州節中識人於太常調習雅聲仍付笙等琴瑟  
之類各三兩事令州縣轉次造習每年各  
備禮儀令式行稍加勸獎以示風俗

賓

三年詔州郡應需宴改為鄉飲酒是也今仍為



爲實在縣亦行之每大比之歲七月朔縣  
令爲主人應試諸生爲賓揖讓酌獻如儀  
講約 周禮黨正州長月吉屬其民讀法以勸善糾過者  
是也藍田呂氏其法加詳今制城鄉各設鄉約正  
副每農隙朔望日齊集士民於公所宣講

聖諭十六條



高縣志卷十七

邑令臨泉康基淵纂修

祀典

禮有功德於社稷民生禦大菑捍大患者則祀之神  
道監於國語楚辭而後更惑以果報私祀邀福非其  
質已今志其義有可依者

至聖先師廟

崇聖祠

詳見學校

社稷壇

在北門外春秋二仲祭

按古者祀稷以為稷

祀共工

以為社蓋配社配稷也

今惟

京師大

社稷有配位

州縣皆無

風雲雷雨山川壇

在南門外春秋二仲祭按漢唐宋

並風雲合壇以祭六年

又以山川共為一壇

先農壇

在東關雍正四年詔各府州縣衛文壇祀神農壇前藉田每歲仲春亥日巳時祭先農壇午

時行耕藉禮知縣秉耒九推

佐貳捧青箱播種農夫終畝

厲壇

在北門外清明中元十月朔致祭按厲之名見祭法鬼有所歸乃不為厲祭時迎城隍臨壇酌泔

武四年

關帝廟

在東關春秋二仲及五月十三日祭用太牢按帝君之號明神宗所封雍正元年追封三代

為公立祠

祀後殿

城隍廟

在西關春秋二仲附山川壇祭洪武四年詔封天下城隍神在應天府教以帝詞封臨濠太平

府和除二州以王凡府州縣以公以侯以伯為舊為  
州洪武時改縣城隍封爵應在侯伯之列本邑沿解  
顯忠王未

詳所自

八蜡廟

在車關按禮郊特牲伊耆氏為蜡蜡者索也  
歲十二月合聚萬物索享之也其神八一先嗇

二司嗇三農四郵表嘷五  
猫虎六坊七水庸八昆蟲

已上通祀

文昌閣

在城東南隅知縣康基淵建按史記天官書  
斗魁戴匡六星為文昌一上將二次將三貴神

四司命五司中六司祿周禮大宗伯以禋燎祀司中  
司命文昌之祀久矣今學校亦祀之至世稱梓潼帝  
君本道家言謂上帝命梓潼掌文昌府事及人間祿  
籍玩乃加號為帝君又有降生一十七世之說此不

可以理  
詰者也

奎文閣

津池南

按史記天宮書西宮在宿主濤瀆亦

文章要與斗魁不相涉俗謂

劉猛將軍祠

在東關主驅逐蝗蝻雍正

三塗山神祠

縣西十里左傳晉屠蒯有事於洛與三塗

武十九  
年重修

名宦祠

鄉賢祠

忠義孝弟祠

詳見  
學校

伊尹祠

縣南空桑澗西始建無考明尚書胡濙即其地

間知府陳宜重修有記崇禎七年邑進士張勳重修

祠五楹左一德堂右三

院東子伊陟配

御史李集伊其辨伊尹生於宋今三千年矣帝王  
世紀伊其生於宋蓋子云伊尹耕有年之野註無  
謂伊古也  
湖在嵩山  
而相殿是  
在縣南伊  
祭得嬰兒  
於河南又  
嵩古伊川  
水曰伊水  
前所載歷  
善燮劉憲  
確兒偃師  
伊尹以水  
之乃史家  
曰元鳥降  
未嘗先有  
也况尹嫁  
於母化為  
空桑實非  
祭之所生  
也何異焉

爰加衷諸說而為之辨

按舊志伊尹兩程子皆載人物與他傳等列非體也今二程別著世表元聖事炳經傳不復載錄李侍辨以著其跡

陳宣記伊尹古聖人也由商至今庸人孺子無不景仰而樂道之嵩縣南有空桑澗世傳為伊尹所生之地歷代祠祀禮也余至其處見諸塚環翠一水潏潏俯仰祠下吐納清虛信生聖人之區非偶也詢諸叟稱伊尹生於空桑指伊水為姓率野其躬耕處也東有伊母墓在焉其言與孟子吾賢諸書有合禮鄉大夫歿而祀於社聖人所居之地林宇不治何以采神靈屬焉令度工興復越二月祠成有司請記其事因著其授

於石

余賦詩好風吹開阿剌而潤松蘿花落山容淡振



此處過 知縣郭鉉俊詩元聖遺踪何處求屏開錦  
繡對荒邱劫灰猶剩頽垣盡斷鳴空存石薛稠澗底  
桑枯迷蔓草山前土赤繞寒流欣  
逢堯舜君民日丹葉黃花紀勝遊

## 二程子祠

在肥隰山下本伊川故宅元初即其地建廟  
制伴闕里明景泰中詔視顏孟祠祭成化中

方伯程泰更宏其規大學士程敏政記宏治中博士  
繼祖增修東西廡祀明道伊川門人張繹邵伯溫等  
五十一人兵燹焚廢 國朝順治六年始裔程宗岳  
援前代嵩永宜協修例建正殿啓賢堂東西廡各三  
楹春風立雪二亭康熙三十四年  
知府孫居湜重修有司春秋致祭

## 邵子祠

在華渠邑御史李興建堂三楹堂後置極書堂  
天根月窟二軒擊壤弄瓦二亭中小亭額曰行

安樂窩後皆廢宣德三年左叅政周鑑按察劉俊  
柱重修大學士楊溥記天啓甲子知縣楊禹樞重修  
李峻禎記乾隆壬申署縣何源洙知縣蘇毓鵬重修  
堂三楹後堂東西各三楹廡道張學林記有同春秋

致祭 明楊溥記宣德三年秋七月甲子河南左叅  
政錢塘周公鑑按察副使永嘉鄭公柱重修康節先  
生墓復建祠以棲其神冬十月訖工屬翰林學士楊  
溥為文記其事詞曰嗚呼先生天挺英豪仰惟義文  
周公孔子寂寥越千百祀於厥緒餘心領神會天地  
造化消息盈虛皇帝王伯升降隆汙極事之變究始  
之初合彼萬有洞見無餘俯仰於時而其所至惟清  
惟和可夷可惠期於大成終不小試吾道則然孰云  
玩世高風懿獨千古有闕頌可使庶薄可使教垂  
而亡匪生而存有峨者墳在嵩之下莽雨蓬風堂存  
坏土子孫遐遠芻牧樵斧不有君子誰式誰頌有夫  
周侯撫臨於嵩亦惟憲副備矣鄭公鑑彼丘墟乃揭  
於中乃詢邑令以及學宮用圖修復所志愈同乃揭  
俸廩乃鳩群工乃翦厥翳乃考厥封增以土壤特以  
垣墉既堅而實亦廣而崇乃建之祠以棲其神奉祭  
有器以充俎尊乃樹之石書其謚號華表有柱刻之  
墓道環植以不枯偕松檜典祠有人以時蒞閉嚴切  
告成用妥厥靈人用嘉悅神其永寧聖賢之請名教



馬神祠

在儀門西晉書祭馬祖於大澤註馬祖房星也

蕭曹祠

在儀門內知縣康基淵改建

旗纛廟

在書院街祀軍牙六肅之神霜降日祭

藥王廟

在書院街祀岐伯盧醫扁鵲

湯王廟

在牛砦相傳湯聘伊尹使者停驂於此故立廟祀之按成湯祀於鄆村非禮也

周公廟

在城內通志載邑為周公聽訟之處今北街廟三楹列真武像邑人至今沿稱周公廟無異詞

朱子祠

在朱村文公六世孫棠於元末自徽遷居立祠為歷代重修詳載碑記祭田一頃春秋致祭

先蠶祠

在東關乾隆三十年知縣康基淵改建

康基淵記祀先蠶重桑也為之民貧桑之利厚其土宜桑也禮后帥外內命婦蠶北郊季春命野虞母伐

桑柘省婦使勸蠶事其後織有室祭有西靈有總也  
焉桑種有四山谷間亦多柘山民以榭事師山靈祭  
與如食蠶之為利知之而不習其事也曠宮久則  
始難無所時而感不深桑而蠶蠶而衣存其祖也  
子不以民之愚而泥其心不以效之迂而謂其改祀  
先蠶圖其事於祠堅民信也舊奠者祭先師神祇者  
祭先農躬桑者祭先蠶宜  
也先蠶何元妃西陵氏也

蠶姑廟

直南關三十一年知縣康  
其淵改建原廟地六畝

按乎建祠蠶祠祀西陵氏記之詳矣民乃爾為蠶姑  
廟德之說故三姑把蠶見地母經曹稽厥俗志  
載之蠶姑廟其名意高當年蠶事未嘗不盛予勸蠶  
桑民知鼓辦乃更即南堂改立蠶姑廟以寔其事堅  
其信又荆楚歲時記正月十五日迎紫姑卜是年蠶  
桑俗以高蠶神誕日今論民主立會祀神蠶農蠶  
器用始於三十二年正月附  
誌其事以為將來蠶桑之勸

元魯山祠

星記

後廢康熙二十六年知府江楫重修

越南星記夫人生者治象之始也天知者人生之始也太古者天地之始也混古者太古之始也世長若象無思慮無設備不羨完而不悅仁義禮智而至於清淨無為而至明于子為而至身之人也之德也形為警生為替大塊為死別溫溫之色臭味香黷田舍妾御之奉乎哉彼尚不知其可達然此又其象也可以觀精吾未見其人此代有象之先生焉先生貌不飾儀進不期頤居不為家交不斥惡以任為隱以身為寄以山水為娛世之人高其行不知其非矯也樂其夷不知其所舍也故就鶴之謂可解而亦為絢而不相詐帝者之崇欲以聲伎自娛一豈職尚京之小臣往之不怒乃振其德心此所謂入火不熱入水不濡者邪假令先生遊厚暉之代作師九五凝神吐絲必能豐百穀而卷萬物如其物者純白介石之行亦足植表人逾章好德名遭時道與周於下位竟甘肥

遜使不知者以為病於迂情哉先生之墓在陸渾  
下萬歷間李于田氏為嵩縣令於墓前建祠祀先生  
屬記於趙子趙子曰古有稱貞人者若先生者非乎  
其精不搖其神不統此元元之道而久視之術也乃  
有墓何吾聞黃帝鼎成龍迎去亦有墓蓋示民終實  
解體云陸渾近嵩山固仙者窟宅第非其人不見于  
田天骨瑰奇文采神異非塵壙中物昔蓋公見曹參  
言治道漢九州以寧于田之設虛室聚精禮就陸渾  
山先生平時所目佳勝殆有意乎殆有意乎余乃為  
歌祀先生因以格之其詞曰君胡為兮山中紛草樹  
兮蔥蘢霧妃俱兮鼓瑟與玉喬兮相從騁旬始兮駕  
青螭吸沆瀣兮羊芝芝伴鸞鷲兮通誠君不行兮勞  
思風瀏瀏兮白雲舉悵吾望兮繼以兩闕房兮桂室  
荷之蓋兮荃之璧媵情固兮無九關中悔適兮何堪  
尺雲霞兮蒸蒸芳草兮叢生望夫君兮不來聊逍遙  
兮采薇知縣郭鏞俊詩陸渾山下訪遺踪于為新  
歌曲最工我亦勞心慙  
撫字千秋可許挹流風

雞澤祠

在城內祀明知縣王夢蛟雞澤人故名

令狐公祠

在東關祀明知縣令狐泌今存廢基

徐公祠

有二祀知縣徐士訥一在東關雍正六年改建劉猛將軍祠一在萃原李蛟楨記今廢

克烈公祠

在鳴皋公名士希元堽手總管駐鳴皋鎮建伊川書院民祀之

郭巡檢祠

明萬歷間設大嶺巡檢失名祠在陳家樓久廢今檢殘碑戴公巡檢火石關能於其職並

教民務本勸農訓誨山民子弟  
讀書習禮義遷後民立生祠

已上私祀

東嶽廟

在東關

南嶽廟

在鳴皋鎮

濟瀼廟

在東關

海濱廟

在海山按禮諸侯祭其境內名山大川嶽瀼廟過城郭非古也



薄后廟

后漢文帝母也。墓境多祀之。考後漢光武中元二年營北郊於洛陽祀地祇以薄后配。必一時廟

祀若此

至今耳

...

...

...

...

...

...

高縣志卷十八

邑令臨泉康基淵纂修

戶口

萬民數明以前無可考見於舊志者徵賦之丁幾與戶口等不計可任與否也逃亡銷滅不盡關流冠矣我

朝休養生息百有餘年屠亂嬉游何其盛歟備載明籍與今所上之數比而觀之其義自見

明洪武年籍八千八百一十一戶 五萬九千三百

九口

成化年籍除撥置伊陽外一萬一百二十五戶 六萬二千

七百一十口

嘉靖年籍一萬二百六十九戶 三萬七千八百四

十七口

萬曆年籍一萬五十二戶 三萬五千六百七十二

口原額一則八丁三萬五千一百九十一丁另額丁銀四丁

七百九十

七兩零

國朝順治五年編審活丁四千九丁逃丁一萬一千一百八十二丁

順治十六年收併嵩所活丁七十二丁

康熙五十年編審人丁五千二百三十九丁

每丁派銀一錢

三分六厘

厘三毫

嵩所人丁九十四丁

每丁派銀三錢

二項共人丁五千三百三十三丁

額徵丁銀七百四十二兩四錢四分

一厘

二毫

康熙五十二年

恩詔內開海宇承平日久戶口日繁地畝並未加添宜施寬大之恩共享恬熙之樂嗣後直隸各地方官遇編

審之期察出增益人丁止將實數另造清冊奏聞其  
徵收錢糧但據康熙五十年丁冊定為常額續生人  
丁永不加賦內有開除者即將新增人丁補足額數  
雍正四年巡撫田文鏡題准將各邑丁糧均派地糧  
之內無論紳於富戶不分等則一例輸將於雍正五  
年為始攤入地糧內徵收

每地糧一畝該攤丁銀四  
分七厘十毫嗣後遇有陞

科銀隨年

另行均派

乾隆二十六年編審人丁八千七百五十一丁

該生

三十五百

一十二丁

萬所人丁二百三十七丁

滋生人丁一百四十三丁

二項共人丁八千九百八十八丁

共滋生人丁三千六百五十五丁

不加賦

按通考云授人以田而未嘗別有戶賦者二代也不授人以田而輕其戶賦者兩漢也因授田之名而重其戶賦田之授否不常而戶賦之重者不可復輕則自魏至唐中葉是也自兩税法行并口賦於田賦歷代因之於是無田者其輸賦之丁丁之有田者也有不輸賦之丁丁之無田者也其輸賦之丁今并隨田辦餘未嘗別有戶賦惟歲報民數登下其損益而已

乾隆三十年冊報民數共三萬一千二百八十八戶

一十四萬五千六百三十五口

內大口十萬一千六百一十二名

四萬四千

二十三名

按明原額人丁三萬五千一百有奇崇禎末年逃亡殆盡國初編審四千九丁耳嗣後歷次審增至康熙五十年籍定五千二百餘丁今則十四萬五千六百有奇計數十倍除西南山流寓移徙無常之戶猶數倍於昔雖承平久而生齒繁然非教養保聚何以致此

聖德之涵濡深矣



嵩縣志卷十九

邑令臨泉康基淵纂修

田賦

嵩父老言當明之季年民有丁壯逃竄而掠童穉以  
索賦業田之家甘以額糧抵值遠求庇於隣邑家右  
者賦役重而徵斂無藝也夫賦由田起今日之石礪  
堯堯林麓鬱紆我

聖朝方免荒徵熟議豁議折恐或傷之蓋莫非明季三萬  
七千在官之額矣然則嵩民急公輸將夏秋稅無煩

追呼以時完解者豈惟民俗之淳亦生成之感深也

志

盧明水旱坡原額九則地一萬二千八百九十四頃

五畝五分原額銀二萬五千七百一十六兩三錢二分八厘萬歷間加增九厘銀一萬一千六百一十二

兩六錢七分三厘嵩所原額軍屯地八百頃

二等坡每畝派

徵銀五分一厘

實原額銀四千八十兩福府贍田原額地八

頃一十一畝五分八厘學田地八十畝共原額民地

嵩所福府學田地一萬三千七百二頃九十七畝八

厘原額銀四萬一千四百九兩一厘

原額九則內有崇山峻嶺耕種

不及步尺難施率以銀鑲佈種因計工作稞名曰山  
稞原額七萬五千七百餘石折三等坡地七千五百  
六十餘頃原額銀一萬三千七百餘兩俱久荒難墾  
今按嵩原額地一萬二千餘頃而山稞折坡諸過半  
亦可見嵩地多山  
馬荒而難闢矣

國朝順治三年巡按甯承勳具題奉

旨免荒微墾計共免原額荒蕪無主民地一萬八百八十  
七頃二十五畝一厘八毫除荒銀三萬三百三十兩  
二錢八分七厘七毫實存行糧墾地二千八百一十  
五頃七十二畝六厘二毫實徵銀五千七百八十五  
兩六錢二分二厘七毫嵩所豁免荒蕪無主地七百

七十九頃六畝五分六厘免徵銀三千八百八十八兩一錢二分零實在行糧熟地二十九頃十三畝四分三厘實徵銀一百六兩七錢六分五厘五毫已上除荒並豁免地一萬一千七百二十八頃五十畝二分一厘二毫實應存原額地一千九百七十四頃四十六畝七分六厘八毫康熙八年收更名地八頃一十一畝五分八厘康熙七年起至二十二年止勸墾並自首共地四百七十頃六畝七分二厘五毫康熙二十三年勸墾起科地十頃四十八畝六分八厘九

毫康熙二十五六七年高所勸墾地五頃四十七畝

己上俱錄盧志

乾隆元年知縣戈錦詳奉巡撫富德委員勘實具

題奉

旨豁免水刮

三水三旱三坡

地六十二頃一十八畝七分三厘四

毫免徵銀二百一十兩八錢八厘八毫

附錄原詳查縣境四面皆

山山皆有水匯於伊河每驟雨滂沱之際千尋瀑布間有刮去傍崖之田而伊水狂瀾腹多飄蕩臨河之地日久月長數以千計或山間浮泥殆盡僅留石磧或平原土脉無存變為沙灘人力難施捍禦無術此種田糧富者或吞聲賠墊累貽子孫貧者逃亡四境糧無着落奸猾者賄囑里書暗行飛濺守分者歲供

膏血竭廢輪將久而久之害無底止此種

賠糧之地合行詳請題豁以紓民累

按賦役全書並司頒確冊載原徵熟地二千三百餘

頃歷年勸墾自首地三千七百七十八頃零共行徵

熟地六千一百一頃有奇其墾陞細冊年遠散

軼第就現今司頒行徵地則糧數詳載於後

見額成熟行徵地

照賦役全書  
司頒確冊

六千一百一頃六十九

畝三分五厘二毫內分實在應徵起存倉口成熟地

二千三百二十三頃四畝七分二厘七毫

內一等水  
地三頃九

十六畝四分一毫

二等水地五十三頃三十六畝

六分一厘九毫

三等水地八十八頃九十二畝一

分二厘四毫

一等旱地四十四頃九十畝九分九

厘一毫

二等旱地一百二十三頃三十九畝三分

五厘一毫

三等旱地三百三十七頃二十一畝六

分五厘九毫

一等坡地一百七十七頃三十七畝八分

六厘六毫 二等坡地一百一十九頃八十一畝一分五厘七毫 三等坡地六百二十五頃八十一畝一分七厘七毫 山稜折成三等坡地八百一十八頃二十七畝五分四厘六毫

康熙七年起至乾隆二十二年止勸墾並自首山稜折

三等坡地共三千七百七十八頃六十四畝六分二

厘五毫 內一等水地二分九厘一毫 二等水地五

頃三十五畝八分六厘五毫 一等旱地七頃一十

一畝五分八厘一毫 一等坡地七十三頃八十八

畝六分五厘 二等坡地七十八頃二十二畝一分

九厘九毫 三等坡地八百六十一頃七十六畝一

分五厘 山稜折三等坡地二千

七百四十八頃一畝五厘四毫

共實徵地銀一萬四千四百八十三兩七錢二分六

厘三毫

一水每畝派徵銀一錢五厘 二水徵銀九分五厘 三水徵銀八分五厘 一旱每畝

派徵銀六分七厘

二旱徵銀五分八厘 三旱徵

銀四分四厘

一坡每畝派徵銀三分五厘 二坡

徵銀三分一厘

三坡

徵銀一分八厘一毫

派徵丁銀七百三十一兩二錢七分三厘三毫

詳見戶口

遇閏加徵銀一百八十六兩三錢七分二厘九毫

補徵漕耗銀米並臨清倉耗米棉布顏料藥材價值等

項共銀四百一十三兩八錢九厘八毫

照行糧糶地不分等則每

畝均派銀

一厘八毫

更名地

明福府贍田康熙二十年奉天變價依民田則別起科

頃十一畝五分八



厘內三等水地二十二畝四分 二等旱地七畝一分 一等坡地八十三畝八厘

實徵地銀三十五兩八錢八分二毫

派徵丁銀一兩七錢二厘一毫

遇閏加徵銀四錢六分二厘二毫

共實徵丁地連閏銀三十八兩四分八厘五毫

嵩所順治十六年歸併見種成穀地三十九畝五十三畝四分

七厘

實徵地銀二百一兩六錢二分七厘一毫

每畝派徵銀五分一厘

厘

派徵丁銀九兩四錢六分五厘八毫

詳見戶口

遇閏加徵銀五錢六厘六毫

共實徵丁地連閏銀二百一十一兩五錢九分九厘

五毫

以主民衛更名共現種成熟地六千一百四十九頃  
三十四畝四分二毫

丁地通共實徵起存本折扣解停免並補徵等項連  
閏共銀一萬六千五百九十六兩九錢一分三毫

每年

悉遵司頒  
確冊徵解

按萬地額前明科徵一萬三千餘頃至化治間已批  
荒一萬一千說見舊志國初墾地僅一千四百餘  
頃後陸續墾陞得有今額較原額止得其半萬地  
崇山峻嶺西南山勢尤峻其積可行犁者舊荆川  
所謂山石陡坡十而當一者也前張令詳報無耕地  
二十四頃入伊川書院委過宜二縣查勘悉屬  
脊陡坡荒蕪無常詳免墾科在案今土土石見佃  
棄地而逃者租多落空在官且如此民舉者可知  
至上則行糧地多在伊河兩岸冲刷無定乾隆元年  
前戈令有詳給水利之案二十六年伊水漲漫損田  
今未復額口書院水池十畝坐落乾廟盡命河塢盡  
至歷年報墾之地多係有主山場流戶強墾故據  
於納租報官墾利二三年不堪種植又移往南召內  
鄉墾荒種遺生果時見松蹟萬地之不能復原額而  
有加於今額不待智者知之矣又按乾隆二十六年  
秋河決揚橋關部重臣督築決口派萬辦運山掃一  
千五百萬觔嵩山鄉不通水陸距工所五百餘里運  
必經年費三十餘萬兩時令郭鈇俊留汴城查災士

民惶懼奔告倭遂通稟請免更為剗切而陳得免八  
百萬其後情形稍聞於閣部決口亦隨塞遂得全豁  
是倭之造福於萬而萬之不可辨情  
掃其斷然已謹就見知所及併記之

折色起運項下

布政司衙門

丁地銀一萬二千六百九十三兩六錢九分九厘九毫

萬所丁地銀三百一十一兩一錢八分一厘九毫

更名丁地銀三十七兩五錢八分五毫

漕米改折丁地免餉銀一千二百九十九兩七錢

厘一毫

顏料銀五兩六錢一厘

鄉飲銀七錢六分一厘七毫

糧道衙門

六八增折銀一百四十二兩二分五厘八毫

折舊銀五兩一錢一分一厘七毫

正免盤制銀七兩一錢一分九厘六毫

改免盤制銀十四兩七錢八分七厘五毫

正改免盤制銀七十三兩三分五厘七毫

臨清廣積二倉米折價銀一百六十一兩六錢九分

四厘四毫

滿徵銀一十六兩一錢六分九厘四毫

五厘五錢五分八厘四毫

河道衙門

驛站裁扣銀二十三兩四錢

大馬小建銀五錢七分

河道衙門

河夫銀一百三十兩四錢四分五厘九毫

本色起運項下

甲字庫潤白棉布三疋一十七尺六寸共銀二兩四錢

二分六厘七毫鋪墊銀一錢八分六厘七毫

在內扣支

按舊志載甲字庫本色明紫袍部黃栢黃丹工部牛角及薰所折獲牛角等項名色今俱丁地內一條較統微不具錄

存留支給項下

各衙門官役俸工共銀一千四百一十五兩八錢五

分一厘五毫

文廟修理各禮祠祭祀等銀共一百三十五兩五分

五厘六毫

雜支各款銀一百二十五兩五錢二厘

按支給細數俱禮司領冊冊歲有定額茲不具載

耗羨項下

縣屬丁地  
加一四耗

知縣養廉銀一千二百兩  
公費銀二百兩  
養廉銀八十兩  
典史養廉銀八十兩  
解司批銀  
七百三十七兩二錢三分九厘一毫

雜稅

牙帖共徵銀五百三十五兩五錢七分三厘七毫

老稅共徵銀十七兩四錢四分六厘九毫

活稅銀三十二兩九錢八分四厘七毫

按各項稅銀俱照額徵收四季分解其老活稅新增  
盈餘全時以凍定於何年無案可稽

房地稅無定額儘收儘解  
奉文每年於房稅內抽銀六  
兩六錢三分六厘作為新增

詳司

當稅銀三十兩

監引

明額無考

順治十六年原額引二千一百九十九道十七年減去

引四百三十一道雍正七年加增引四十四道

現在行銷額引一千八百一十二道

按額引之外尚有餘引及加銷滿夏二縣引二款查餘引原因額引不敷應宜請添以濟額引之不足原無定額且歷年增減無常至滿夏引張事同一例均不入額

全銷故不其列



高縣志卷二十

邑令臨泉康基淵纂修

倉儲

東萊呂氏論荒政先王之預備止也李惺之政修次也今常平義社及文公社政兼舉察豐歉為餼散法斯備矣平出納使惠實下究勸積貯使民亦藏富在長民者盡心焉

常平倉貯穀一萬四千一百五十五石零倉廩三十五

間

署西十四書院街二十一

乾隆八年知縣徐璣因西南山距城

遼遠農民借領不便詳准移常平穀貯舊縣二千石

建嚴貯孫家店二千石

倉未建貯公所

義社倉貯穀一千四百二十五石零倉廩十間

在鳴舉鎮知縣

許霖康熙二十七年併在城義倉鳴舉社倉穀石為

一故名義社今同常平穀一例糴借

附錄兩江總督尹繼善奏請嚴採買事奉部議查各省設立常平積貯穀石春糴秋還所以備荒歉而裕民食也地方官如果公平持正以平糴價值按照時價買補還倉原屬有盈無絀惟是各該州縣賢不不一或借買補名派買扣剋官囤飽囊吏籍分肥是於利民之中轉開病民之竇查律例內開各省採買一應倉糧穀石務令州縣等官平價採買不許轉發里遞派買敢有私派勒買及短給價值強派強拿民力

運送者坐贓治罪定例未嘗不嚴乃州縣中往往隱  
奉陰違所在多有若不嚴行立法俾官吏人等知所  
敬惕則無以垂永久而昭炯戒今該督奏稱立定章  
程於應出糶之時先將價值詳明及估成買補其  
出境採買者令將產地時價先行詳報稽核其在本  
地採買者令將現在時價實在發價若干詳明道府  
加結轉詳督撫留心訪察稍有不符即行參究如果  
公平採買價有盈餘全數解司充公遇有撥款存倉  
米穀應動正項採買者其不敷時價奏明於所存盈  
餘錄內撥補等語似亦清理積弊之一途應如該督  
所請通行各直省畫一辦理

漕倉貯穀四千一百五十六石零倉廩十六間

正門東  
西十間

署西六間  
知縣吳世祿建

雍正二年奉文採買穀四千石貯倉歸

糧道衙門報銷

按例每歲青黃不接之時存七出三以濟民食秋收買補還倉出陳易新通變宜民法原無弊惟嵩邑山徑不通商販採買數多挑運維艱若擇田多有穀之戶難免派撥定例出三之內糶七借三春借秋還嵩民原樸歷無挂欠又農民春耕需費減價平糶亦苦乏錢就嵩言嵩平糶買補似不若出借加息之便民而益倉也

監穀倉原貯捐監穀石今無存款倉廩十四間

署西五間知縣

戈錦建牌房巷九間雍正四年建

精穀倉一間

正堂西

田四畝五分租穀九石五斗除壇廟

梁盛四石六斗五升外餘穀貯倉屆五年變價

社倉二十八所貯穀一萬四千四百三十六石零雍正

二年知縣新樹實勸捐粟一千三百餘石歷年加息  
得今額倉嚴或借民居或建公倉隨社便貯

按高境四鄉僻遠地倉以市各村接濟甚便遇有緩  
急大為民利立社之始捐穀一千二百餘石生息至  
今萬二千有奇予抵任時虧欠至六千餘石設法催  
徵始歸實貯若再因任社幾不可有也今明定科條  
種已地者地隣作保佃人地者地三作保借領皆實  
在農民秋成無慮宕欠又遵新創社長三年更替不  
致蕭謔侵蝕官守之  
責亦農民永利也

養濟院普濟堂附

養濟院五間

在西關知縣  
楊殿美建

收養孤貧二名月糴花布照

額支給

晉濟堂三十間

在高都街知縣戈錦建

堂地八頃三十六畝租穀

三百八十五石零又生息銀四百兩歲息銀九十六

兩並知縣戈錦勸輸收養貧民五十三名

按堂地及生息銀歲得二百六十餘兩為創每名日  
支穀二升乾隆三十八年始折給月糧二錢冬月棉  
衣銀四錢身故棺木銀七錢又協濟僱師銀三十兩  
除支額外餘銀解到存撥萬土瘠民貧嗷獨男婦苦  
不能盡收有候缺至四年者二十九年知縣康基淵  
詳請加增十七名以七十名為定額奉憲批允遵行

嵩縣志卷二十一

邑令臨泉康基淵德修

兵防

昔者史遷著律書究言兵義其法則分見紀傳世家  
中班孟堅以兵附刑取大刑用甲兵之義章氏以為  
述之不詳使一代制度無考蓋其重也舊志兵制未  
載然事鑒已往防患未然自秦拔宜陽韓人增戍置  
守於嵩地者無虛日漢晉唐宋以來戎馬競馳金元  
搆難紅賊猖獗相尋干戈延及明季流寇曠徙後先

交江率得利則直走河洛覃懷旁騷汝潁失利則竄  
匿山谷盧嵩之間踞為巢穴十餘年重鎮大帥進勦  
者每艱於偵諜控扼無奇策往往失陷夫設險者天  
守險者人有險無守猶無險也我

朝特置嵩縣一營直隸河北鎮遠駐南山孫家店據要  
害為犄角消伏莽於未萌軼往代矣今其山川道里  
若保市鎮之基者已分著各條地備列頁弁兵額  
暨阨塞關隘稽歷代兵事述為兵防守斯土者鑒前  
毖後固嵩民非里家室之至計也



周官大司馬掌六軍其鄉遂制軍之法以井田定賦率

十家而賦一兵

萬於周為鄉遂地

韓地方九百餘里帶甲數十萬天下之強弓勁弩皆從

韓出谿子少府時力距來者皆射六百步之外

二家分晉

萬為韓地

秦置三川郡郡置材官里門之左皆發後戍

秦置新城隸三川郡

漢踵秦置材官車騎於郡國又有守有都尉都尉佐太

守典武郡國兵亦更番調發宿衛

萬於漢分隸河南宏農二郡

後漢靈帝永平九年黃巾賊起自函谷大谷廣城伊闕

輟轅旋門孟津小平津諸關并置都尉

通鑑

後周太祖時置兵三塗山備齊

通考

唐府兵之制河南道置折衝府六十二府置折衝都尉

各一人左右果毅都尉各一人長史兵曹別將各一人

校尉六人士以三百人為團團有校尉五十人為隊

隊有正十人為火火有長

嵩屬河南道

宋制兵額曰禁兵廂兵鄉兵蕃兵鄉兵者選自戶籍或

土民應募團結訓練以為防守之兵也

通考

崔進集高

都鄉兵拒金

守史

其兵皆選自戶籍或土民應募團結訓練以為防守之兵也

元制有元帥總管萬戶諸官號明史元帥張伯玉於嵩汝

等州設立仙人太平十餘砦炮手總管勗實載尉嵩

鳴華鎮萬戶李興屯仙人砦舊志

明革元舊制京師郡縣皆立衛所嵩縣置守備以都指

揮體統行事駐劄本縣洪武初設轄衛二河南南陽守禦

千百戶所五嵩縣鄧州唐縣永寧盧氏嵩縣守禦千戶所洪武初

設原設掌印 京操 宣府操 城操 屯田 巡

捕等分駐各堡其轄百戶十王志馬槽大青二堡各駐百戶一員領民壯守之餘無

可考正德初軍額凡六千三百五十八名

衛所之外郡縣有民壯邊郡有土兵嘉靖時增州縣民壯額大者千人次六七百小者五百察責有司操鍊不許私役雜差嵩額民壯有馬五十名步二百五十名又急遞舖司弓兵五十一名又設巡檢二各領弓兵三十名分駐嵩縣沒大嶺二處總於兵道

嵩土兵不隸軍籍者曰毛葫蘆習短兵長於走山又有礦兵曰角騰嘉靖間陝西總制劉天和疏請河南

嵩縣射虎箭以資防禦

明史

國朝草千戶所置嵩縣營守備一員駐劄嵩城雍正三

年巡撫田文鏡因山險兵單 題增經制把總二員

分防盧氏永寧乾隆七年巡撫雅爾圖 題准嵩縣

守備帶馬步兵五十二名移駐孫家店以資彈壓另

於河北鎮標左右營內抽撥把總一員帶兵二十名

駐劄縣城二十八年原盧氏汛把總撥歸陝州營駐

劄閿鄉盤豆鎮額兵二十七名仍隸本營共存城分

防守汛馬步兵一百七十六名馬三十六匹

守備一員駐劄孫家店統轄嵩永二汛領馬步兵九十

四名馬兵二十三名馬二十三匹墩汛二合峪川步兵

步兵七十一名

四過風樓步兵四名

嵩汎把總一員駐劄縣城領馬步兵四十七名馬八名

步兵三十九名馬八匹墩汎六鳴率馬步兵五名莘店馬步兵五名露

寶砦步兵四名大章步兵四名舊縣步兵四名豆腐店步兵四名

永寧汎把總一員駐劄縣城領馬步兵二十五名馬

五名步兵三十名馬五匹

張漢續府志伏牛山最長且邃而驛亭斥埃寥寥無多當置一百夫長增兵卒數十人有備無患之道也

通判駐防孫家店乾隆七年同統轄汝州州同駐楊

陝州州判駐朱陽關巡檢四員嵩縣舊縣鎮盧氏樂川

趙家 添設民壯三十名 於洛陽等十縣內添撥 巡緝逃盜匪類

知縣額設民壯烏鎗手十名弓箭手十名 原額五十名乾隆七年奉裁二十名又撥隸通判三名十二年奉裁七名共存今額

馬快手八名與民壯

合為一役司防護緝捕 東路十舖司兵二十五名

原西路六舖司兵二十一名 乾隆七年添設

巡檢駐防舊縣鎮 明沒大營 巡檢今裁 額設弓兵二十二名緝

盜盜詰奸究

按古者鄉大夫亦主兵宋官制守郡縣知州軍事州謂民政軍謂兵司馬溫公有云知州即一州之將知縣即一縣之將今文員額設民壯以時訓練義蓋如此

元王攷張元帥兵農記昔者黃帝以井田出兵寓兵於農秦皇廢井田上首功兵農始判當三代之末能以兵安天下而臣諸侯者謂之王能以兵安天下而尊王室者謂之伯或功不同聖人皆有取焉而著之經以其能安民也皇元有天下幾百年近妖賊竊發破壞州郡百姓流離失所天子乃命丞相太不華總兵南伐逾年散而復聚唐州張伯玉奮起隴畝糾合義徒以佐丞相克復城邑招降渠帥賊之虐焰始衰於是伯玉為南陽等處軍民宣慰司元帥後復有功陞為湖廣省左丞時賊猶出沒無常民不安元帥遂相其山川險易遠近於嵩汝等州據險設立仙人太平等十有餘砦互為犄角每砦萬戶一人以主柵事無事民則就農耕以足食有事民則荷戈戰以自衛且戰且耕得古寓兵於農之遺意賊嘗圍攻一砦諸砦若齊出精兵六千之乃進躡不敢復窺境也竊謂五伯之興舊先世上地甲兵之力其成功也易在丞之起不階尺土一民之力與義兵而去王室其成功也難仙人之業其功也難



爰記其始末  
以詔將來

### 關塞形勝

陸渾關見通考兩山對峙伊水  
出其中為縣東之隘

伊關關見

山樓關見廣輿記今為  
嵩與宜陽之界

德縣鎮關見通志洪武三年建縣  
西七十里今巡檢駐防

鐵子關見西百二十里下  
臨伊水旁通鐵嶺

火石關見洪武初置又名沒大嶺關今過風樓也由魯  
山入嵩要隘距縣一百八十里乾隆四年獲伊

陽山賊梁朝鳳於此因移嵩營守備河南府通判  
駐孫家店南距火石西控武靖山民始有保障焉

武靖關

明萬歷十二年置額碣猶存遠縣二百餘里臨明白河上游壤接靈氏欒川為縣西南咽喉

穆冊關

縣北五十里宜永要隘戰國韓成黃松守青嶺即此今隸宜陽竟內距兩縣界嶺五里餘

延壽關

晉書地理志漢置新城有延壽關故城下地闕

大青堡

縣南三百里西通內鄉南召正德間置百戶領民壯守之

馬槽營堡

縣西二百里路通永虛

四岳三塗九州之險

左傳

右轡三塗左概萬嶽

馬融廣成頌

左九率而右三塗前七峯而後思遠標熊耳以作揭器

龍門以開關時

子錄記

七峯疊屹於西南陸渾盤旋於東北

志

前襟伊水後擁高都左控陸渾之險右據三塗之衝

志

楊志山川道路險夷考前代東發伊陽則汝豐襄郊  
之近通馬步坪阪上店之吮蔡店柝內埠之背疾  
之騎一曰可至而今不然也棗坪蔡志等村廬舍邱  
墟人跡罕至如伊汝者則須遠鳴皋與福矣前代  
南走南陽則南石內鄉之境在焉白水之滄浪之津  
伏牛營船坪之路山水竇險舟車難通今更甚也  
白水伏牛等處三百里林木荆棘之野則如南  
陽者鴉路所必歷也曠惟三路各出焉青嶺出  
其北而黃松嶺之路則介乎二路之間焉志云成  
黃松守青嶺能制甘茂師老於伊陽之險如故則成  
可與晉人中分乎魏土而今之建武縣如故則成  
守焉人矣魚梁龍窩如故而建武縣如故則成  
一路徑達洛汴京索紆引禹窟以流寇渡河  
直抵嵩土謂其升高可以作斤

昔所云伊闕有成準之險陸渾有井陘  
之塞車軌雖方馬行無列者皆虛語矣  
按分置伊陽在明成化間楊志纂於順治十七年不  
辭昔似未分以前形勢當屬原本古志觀其指畫井  
井必王守誠所云藏在澤宮  
辨簡 功者情不可得也

歷代兵事

秋周甘歆敗戎於邠

在高垂新城  
之南

乘其飲酒也

左傳文  
十七年

楚子伐陸渾之戎遂至於雒觀兵於周疆

左傳宣  
三年

楚子使然丹誘戎繼子嘉殺之遂取蠻氏

存新  
城縣

既而復

立其子

左傳昭  
十六年

晉侯使厲蒯如周請有事於雒與三塗九月荀吳帥師

涉自棘津使祭史先用牲於雒陸渾人弗知師從之

遂滅陸渾其衆奔甘鹿

左傳昭十七年

司徒醜以王師敗於前城十月前城人敗陸渾人於社

左傳昭二十二年

十二年

晉趙鞅荀寅帥師城汝濱

左傳昭二十九年

單浮餘圍蠻氏蠻氏潰

左傳

韓烈侯九年秦伐我宜陽取六邑

史記韓增置黃松青嶺

志

周赧王八年獲代說韓白何不與周高都以弊高都得

完周也韓果與周高都

史記

秦敗魏將犀武於伊闕

國策

赧王五十九年秦取韓陽城負秦西周恐與諸侯約將

天下銳師以伊闕攻秦秦怒攻西周地皆入於秦遷

西周君於惡狐

史記

秦昭王十三年白起為左庶長將而擊韓之新城十

四年白起為左更攻韓魏於伊闕斬首二十四萬

史記

張儀諭伐韓曰秦攻新城宜陽以臨二周之郊

國策

更始二年赤眉樊崇逢安自武關徐宣自陸渾關兩道

俱入西攻長安更始使王匡拒之

後漢書

建武二年新城蠻中山賊張滿屯結險隘為人害詔祭  
遵攻之遵絕其糧道滿數挑戰遵堅壁不出而厭新  
伯華餘賊復與滿合遂攻霍陽聚遵乃分兵擊破生

獲斬之

後漢書

建武三年賈復以左將軍別擊赤眉于新城浞池連破  
之與帝會宜陽降赤眉

通鑑

建安二十四年陸渾民孫陸等起兵南附關羽是時羽

圍樊城也

三國志

晉隆和元年呂獲復寇洛陽鄧遐進屯新城

晉書

後趙石勒使石生出延壽關寇許潁俘獲萬餘降者二

萬

晉書

永康二年齊王冏舉兵許昌討趙王倫倫遣兵出延壽

關以拒之

晉書

劉石亂後諸蠻無所忌憚故其族類漸得北遷陸渾以

南滿於山谷

魏書

前燕慕容暉遣司馬況希攻洛陽晉冠軍將軍陳延奔

陸渾河南悉歸於希

晉書



魏僧智與李義孫攻拔伏流城又尅孔城即與義孫鎮

之尋移鎮伏流

魏書

元又寵其弟洪業勾魯陽諸蠻侵擾伊闕

魏書

魏孝昌中以伊川土豪李長壽為防蠻都督長壽盡其

智力防遏群蠻伊川左右寇盜為之稍息

魏書

李延孫佐賀拔勝為都督肅清蹕路頗有功力長壽

被害延孫收集其父之衆為義軍拒

魏書

李延孫收餘衆守禦東境魏遣韋法孫與長教百人以  
援延孫東魏劉蕡以步騎千餘邀之法保為圓陣且

戰且前效日得與延孫兵接乃并勢置柵於伏流

周書

魏武泰初蠻帥李洪扇動諸落伊闕以東至於鞏縣多

被燒劫詔李神軌為都督破平之

魏書

大統四年權景宣與李延孫會攻孔城防拔之

魏書

宣帝太建元年盜殺周孔城防主以其地入齊

紀事本末

唐李密叛由桃林趨南山而東馳告故將伊州刺史張

善相以兵應已熊州副將盛彥師率步騎攻陸渾縣

南邢公岷之下

今屬

密兵半渡伏出擊斬之

唐書

武德二年鄭王世充取唐伊闕信張善相之

偽鄭王世充築練兵臺於伊闕

唐書

唐盛彥師鎮熊州討王世充與史萬寶軍伊闕絕山南

路

唐書

建中四年神策宣武兵襲許州敗於滄淵

目

李希烈將

兵至伊闕李勉復遣其將李堅帥兵助守東都

綱目

元和十年淮西兵犯東畿防禦兵悉屯伊闕李師道潛

內兵於留後院謀焚宮闕事覺留守呂元膺亟追伊

闕兵圍之賊望山而遁

紀事本末

宋建炎二年劉豫兵犯伊陽縣翟興及其將李恭合擊

敗之

宋史

金人逼靈山砦翟進父子兄弟與之戰潰圍至高都集

鄉兵七百人夜行晝伏至洛城夜半破關入擒高世

由再捷於伊川白草塢

宋史

金兀朮入西京翟進復集鄉兵與戰屢敗之殺其將翟

海乘勝入洛陽

通鑑

三年京西安撫使翟興擊楊進殺之翟楊進居鳴皋山

北興與子琮帥鄉兵時出擾之進棄輜重南走興邀

擊於魯山進中流矢死餘衆悉潰河南平

綱目

紹興二年翟興屯伊陽山劉豫憚之遣蔣頤以書誘降

興斬頤而焚其書

綱目

三年河南鎮撫使統制官李吉敗劉豫將梁進於伊陽

臺殪之

綱目

翟琮棄軍奔襄陽劉豫遂陷伊陽

綱目

豫悉有梁衛之地

翟琮屯伊陽之鳳牟山不能孤立突圍奔襄陽

綱目

十年兵馬鈐轄李興聚兵應岳飛收復宜陽八縣

綱目

元太宗四年攻鈞州克之獲金將合達遂下統嵩汝陝

等州

元史

至正十六年河南行省左丞相太不花駐軍於南陽嵩

汝等州叛民皆降軍勢大振

元史

十八年明兵取建德路以周全為行省統與魯等軍移

鎮嵩州白龍砦

元史

末年萬戶李興屯兵於露寶砦

舊志

二十八年明兵取嵩汝等州

元史

明洪武元年常遇春入洛陽阿魯溫以河南降畧定嵩

陝陳汝許諸州

明史

常遇春率兵至嵩州守將李知院迎降入其城分兵下

未附諸山砦

紀事本末

正德初參政楊子器駐嵩居守賊渡河走湖廣子器曰賊逼土兵必復向汝州乃自嵩馳援洛陽賊遂引去

省志

宏治三年河南僉事俞諫擢嵩賊呂海

明史

崇禎七年湯九州擊賊於嵩縣之潭頭大敗之斬首二

百二十級

明史

左良玉祖寬從巡撫陳必謙救洛陽高迎祥李自成走偃師張獻忠走嵩縣寬追獻忠戰於九皋三戰皆克

斬俘甚眾

明史

八年副總兵李輔明從總兵祖寬擊賊連盛之嵩縣汝

州

明史

九年左良玉約副總兵湯九州出伊陽趨嵩南岸扼寇

良玉自洛進搗良玉失期不至九州獨以三千人與

李自成戰九率山下全軍覆沒

德志

十二年闖賊李自成兵敗僅隨數百騎遁入嵩廬深山

冬月由南山出

即孫家店大路

攻破萬安田湖新庄及樊店

盤龍砦西巖山砦連破宜陽永寧等縣

志



邑庠生張崇德保聚樊店盤龍紫關賊李自成攻之德  
率鄉民捍禦殺傷相當賊日夜環攻德守愈堅力屈  
若陽戰死

舊志

總兵祖大弼將關寧騎兵副總兵祖寬統降丁勁騎趨

嵩縣西山逐寇

舊志

總兵曹文詒率京營番軍鐵騎七千赴嵩勦賊

舊志

平賊總兵左良玉毀嵩城東再戰於飯坡

舊志

副總兵羅岱馮賊趙村兵敗追至城下

舊志

勦賊總兵猛如虎大破李自成於新店

舊志

十四年李自成陷洛陽總督楊文岳巡撫李仙鳳率總  
兵虎大威以衆二萬赴救渡河賊追擊於鳴皋敗

之明  
史

三月李自成東至洛西猛如虎府店兵敗十六日攻  
嵩城焚掠一空留教日平其城遺民悉保屏鳳砦

十一月礦徒余大忠乘流賊之亂攻破屏鳳砦盤踞其  
中劫掠鄉村殺戮殆盡

李自成遣賊一隻虎攻殺大忠副賊吳天保收集餘黨  
復稱雄長順治二年歸降

縣胥任五教從縣令何復勦土賊復被圍五教陷堅  
復出力戰而死

李佩玉以義勇保新店砦賊渠余大忠屢攻不克  
庠生劉自証以千總守砦拒土賊戰死

西山土寇縱橫諸生孫承宗王元錫洪覲楊李錫允王  
懋忠等十餘人以才勇自效帥毛兵百人進勦過鑿  
峪嶺伏發承宗等仰射賊衆擁盾自護矢盡賊下攢  
稍刺之無一生還者

庠生劉月江結砦屏鳳庄拒土賊嵩城殘破而屏鳳砦

儼若重鎮

土寇李茂華復叛殺吳天保以十餘騎來招燕王城砦

砦民許好選擒斬之衆解散寇始平

以上明末事  
並見舊志

按古者兵出於農三代以後兵與民不得不分者勢也然而唐之府兵無事則耕宗之鄉兵弓箭社百姓自為團結蓋往往兼用之審地利擇要害者兵家之常也然而講求於槍擗之會守重於一二偵諜之人亦往往噬臍無反士大夫當兵變初定吠警猶聞或搯擊抵掌獻其策力舍是則且以言兵為諱矣不知兵可百年不用不可一日不備安不忘危民乃常安也至若形勢無常有天下全省之形勢有郡邑之形勢邑宰提封百里當古諸侯城郭溝池山林川澤足以為固義勇丁壯足以為守其備專而其力全也險塞不具悉何名守上下壯不風練何以衛民事非也

此今川嵩之兵制防外守內

然而疆頓千里兵壯百餘名以備平時之防禦有以  
以供臨事之調遣不足則亦有不得不預籌者按邑  
之形勢路通秦楚界連八縣其東境北引河洛西扼  
靖邑東當汝潁孔道昔人於伊闕置縣白楊置關自  
伊陽割而內據蔡店失東境之險若重兵屯伊闕白  
楊守門戶以援洛扼東西之衝此最要也東南九虎  
汪城晉荀寅城汝濱用以據汝南之火石關扼魯山  
武靖關踞銅河上為盧氏樂川之咽喉鴉路通南陽  
犍山之分水嶺是其要害西北樓子穆冊至關黃松  
青嶺通永宜之道韓人所嘗置戍也其在腹內至  
蠻峪堵截西來屏鳳陸渾斷非東入屏鳳又當伊魯  
之間道古人等陸渾於井陘而結峒鳳牟仙人者固  
各有深意焉然伊闕白楊犄角必滿千人至餘隘實  
少亦百又急不得越境而獨獼退巢山谷無險據安  
隘而撲之魚遊釜中也夫募兵非難養兵為難兵少  
則不足以守險而數千之衆聚於境內養兵之費雖  
竭常賦猶不足以供之故就嵩言嵩惟仿宋制燕團  
練鄉兵為守土保民之上策夫李延孫之義軍足以

守伏流而拒齊崔興之鄉兵孤懸敵境足以抗劉豫而護陵寢張伯玉結砦屯兵且戰且耕能制紅賊使不得肆此其驗也至於明季千百戶分屯大青馬槽堡制防非不週而張李二賊橫行出入轉戰無人之地者則又兵不素練之過也若夫外來援兵不習地利難於深入明史載湯九州悞入深崖遇賊據險攻圍夜移營而敗今其地在九隼山下夫九州移營而死即不移營而亦死何也賊據上游蜂擁而來掠人為糧勢固難敵也假使九州上踞屏鳳以待良玉賊若徑過尾之伊闕過絕颺踞左良玉當其前賊亦未必即逞又志載孫承宗等入西山勦賊遇之蠻嶺嶺下仰射矢盡賊下運消刺之無一生還者皆不習形勢之故也若圍錄鄉兵路徑熟習固無慮此唐所謂山棚明所謂毛葫蘆射虎箭皆出於嵩兵力固不弱也平時馭之臨時集之守要害而攝雄兵數萬之衆將不得逞志於萬矣故嵩之長計惟據險結砦圍錄鄉兵二事盡之其險之可據者盡於前說王守誠志載七十二砦又皆土人以避兵者也若訓練鄉兵不

外嚴明於甲更於其中挑練丁壯取王文成公及黃  
憲湖之制而善行之自可有備無虞其在嵩尤為精  
利者為南山鎮手也其人皆農民農隙惟較畝其技  
器用鳥銃及遠而善中步山趨捷用其所長以安居  
歸之亦籍於官而號其鎗然固無他後使其團練亦  
何言總什長之號又皆會驗於官若能平時撫之以  
恩俾散處耕耨毫無所苦歲一檢簡齊其耳目有事  
則發守險臂指相使也四鶴且為唐用况編氓之并  
以自衛者與然則有營縣之兵壯以防禦給手之捷  
熟以搜山保甲之丁壯以守衛村閭固行乎常安之  
道矣昔蘇長公云天下之大一尺一寸而皆天子自  
為守未可以計久長端謂禁兵也而實則遼闊僻邑  
勢亦有不能過防者今誠覽通邑之形勢循古人之  
往跡徹桑徒薪備於未事官兵土兵並資捍衛可以  
壯國威可以弭奸宄可以輯萑苻而無宵小竊發者  
武備之飭固邑宰所宜加意而非云喜事與迂濶也  
因取歷代兵事并  
著於篇而論之

1870  
1871  
1872  
1873  
1874  
1875  
1876  
1877  
1878  
1879  
1880  
1881  
1882  
1883  
1884  
1885  
1886  
1887  
1888  
1889  
1890  
1891  
1892  
1893  
1894  
1895  
1896  
1897  
1898  
1899  
1900

1870

1871

1872

1873

1874

1875

1876

1877

1878

1879

1880

1881

1882

1883

1884

1885

1886

1887

1888

1889

1890

1891

1892

1893

1894

1895

1896

1897

1898

1899

1900



山縣志卷二十二

邑令臨泉康基淵祭修

宅坊亭墓

表里圖墓賢其人也伊關陸渾間名賢代作今其人  
不可見撫其遺跡想見其人與其行事備著於篇以  
昭往蹟詔來者

宅

孔叢子宅

在古神陰鄉今海角村有孔廟一區即其  
故宅也按孔氏譜孔叢子名緡字子魚

先師九代孫秦始皇將焚書緡知之與弟騰及叔藏  
書於祖堂壁中隱嵩山之陽建家廟塑至像其中

教弟子百餘人陳涉徵為博士六旬以目疾辭著書  
二十餘篇名孔叢子卒於陳下元末五十二代孫湍  
湧避兵嵩孝感村重修其廟遂家焉嵩之孔族自此  
始 國朝順治四年復六十四代孫尚顯為奉祀生  
衍檜興宗承繼今  
孔興宗副付尚育

胡昭宅

後漢處士在陸渾

梁肅宅

在伊水南今猶名梁家屯

李素宅

唐河南少尹在萬安今猶名李家屯

元德秀宅

唐魯山令在元里村墓在宅之南岡

程伊川宅

大中公居洛之維道坊崇寧二年先生遷  
居龍門之南把樓山下今後裔奉祠於此

張謩詩拜訪程門近吾師百世同立忘冰炭覺  
有春風學想蘆溪後道傳洛水中遺書行且誦仰止

見維

坊

兩程故里坊

程里東

道接孟氏坊

學貫濠溪坊

兩程祠外

少保坊

為上古寶建

御史坊

為董相建

玉堂秘史坊

為王守誠建

三世承恩坊

為汪輝建

褒德坊

為董敬建

大夫坊

為董選建

進士坊

為董選建

純孝坊

在莘渠為杜端建

貞節坊

為董選妻張氏建

孝子坊

在中溪為庠生姜人建

昇平人瑞坊

為百四歲民張良建

彰善坊

乾隆六年奉文建

節孝坊

通縣二十有二詳載列女

百合園坊

知縣康基洲建

前亭

見水經注即泉亭也服虔曰在伊闕南

郊亭

服虔曰郊亭在高都南

垂亭

杜預註周地河南新城縣有垂亭

雲亭

春風亭

並在兩程祠內裔孫程宗昌建

水心亭

在莘渠南望九臯東臨伊浦唐祖詠詩書  
賦伊川水噉間霽色明淺沙平有路流水漫

無聲浴鳥沿波聚替鱗獨釣  
驚更尋春岸去幽意滿山楹

長樂亭

漢書在陸渾縣南

樂遊亭

在象山下北為玩易堂 伊川陸渾樂遊詩

東郊漸微綠驅馬欣獨往舟繫野渡時水落

春山響身閑愛物外施動諸心

賞歸路逐樵歌落日寒山上

伊川亭

金史

懷德亭

元李貴字懷德隱居三塗結亭山側

擎護亭

弄瓦亭

並在鄧子祠內御史李興津

敬一亭

在學宮內

仁知亭

樂壽亭

並在署內今廢

百合亭

在西郊知縣康基淵建

墓

伊姑塚

空桑澗南山澗幽窟一塚巍然方五畝許世傳為伊尹母墓

秦王塚

在羅村南水晶山下上有秦王砮文獻無考

韓王墓

德亭西五十里仰天池山下象峰攢秀一澗深洄世傳為韓王墓或戰國韓君也

葛將軍墓

葛砮西相傳漢時人仕為監軍大將軍

後梁太祖墓

在古城西後唐莊宗獵伊闕令從者拜太祖墓即此

後梁少帝墓

在太祖墓北

梁肅墓

毗五世孫唐翰林學士在莘樂大方教畝人猶稱學士墓

元德秀墓

在陸渾山麓時以魯山德李華銘顏真卿書李陽冰篆為四絕碑元結墓誌銘天

寶十三年

元子從兄前魯山縣大夫德秀卒元子哭

之哀門人

叔盈問曰夫子之哭從兄也不亦過乎禮

歟元子對曰

汝知禮之過而不知情之至也叔盈退

謂其徒曰

夫子之哭從兄大夫也兼師友之分宜乎

過元子聞之

名叔盈謂曰吾誠哀過非汝所云也元

大夫弱無所

因以無所專老無所存死無所餘此非

人所能常情

所就溺喜愛似可惡者大夫無之如戒

如懼如懼如

惡此其無情然非有心士君子知為不

知也吾今之

哀汝知之為而不知也嗚呼元大夫生

五十餘年而

今嘗識婦人而視錦繡不頌之何以

戒荒淫侈靡

之徒也哉未嘗求足而言利苟詞而佞

色不頌之何

以戒貪穢佞媚之徒也哉未嘗主十畝

之地十尺之

田十歲之童不頌之何以戒占田千畝

之字千柱家

童十指之徒也哉未嘗完布帛而衣具

滋味而食不

頌之何以戒綺紈深肉之徒也哉於藏

器以元大夫

德行尚采世懷獨君子百方之士也歟



李華墓碣銘唐天寶十二年秋七月二十九日魯山  
令河南元公終於陸渾草堂春秋五十有九服名節  
者無不痛心嗚呼堂中惟篇簡巾褐枕履琴杖簞瓢  
而已堂下有接賓之位孤侄孤甥受學講習之所過  
是而往無以送終焉名之士陸渾尉梁國高渾贈以  
清白之俸遂其葬以明月十三日寤於所居南岡  
禮也公諱德秀字紫芝延州使君之子後宗拓跋栗  
易姓為元公其裔也世有明哲承而述之幼擬全德  
長為律及粹體和氣與道為一視色如教不言而信  
大易之易黃老之清靜准公備焉延州即世之後昆  
弟彫落慈親羸老無小無大仰給於公及中府貢如  
京師不忍離親躬負安人往復千里以才行第一進  
士登科丁艱聲動悲心貌過直氣刺血畫佛像照佛  
經以不資之身伸罔極之報食無鹽酪寢無茵薦昔  
年先人未祔於兆身迫當室絨未忘之哀求調米任  
銓試起等補南和尉官少履以至任所上聞授左龍  
武錄事參軍因墜傷足樂正之憂愀然滿容以甥侄  
婚姻為念受署魯山令瘡疾少能起拜前後長吏僉

以客禮待之嘗獲強盜未刑屬濱山之鄉稱猛獸為  
 害者盜請於廷曰感明府慈仁願殺獸贖罪公諾而  
 許焉秦佐堅請公無變意衆不能破強從之盜果尸  
 獸復命吏人老幼咨嗟振動發於廷寺播於四隣則  
 政化之行於強暴也公自幼居貧素服齊斬故不及  
 親而娶既孤之後單獨終身人或以絕後諭焉對曰  
 兄有息男不曠先人之祀居官所得俸祿悉以經營  
 葬祭衣食孤遺代下之日柴車而反南遊陸渾考一  
 畝之宅發笥求直惟匹帛烏居無高輪牆藩之飾存  
 心養生濟物從其所好時屬歉歲決旬無烟彈琴讀  
 書不改其樂好事者携酒食以饋之陶陶然脫遺身  
 世涵持道德扶世功教而棲瀨氣中占以降無公比  
 焉知我者希晦而不耀故也是宜為國老叟持道佐  
 世而羔雁不至殺於空山可勝慟哉撰著文章根元  
 極則道演寄性情則元微我思善人則澧水多能而  
 深則廣吳子觀樂曠達而妙則峴顯窮於命則蹇士  
 賦可謂與古同轍自為名教者也是宜惡萬金之藏  
 鄰卜卿之祿貴富之辯吾得其真至哉元公越軼古



之深志藁墜數教亦足以見喜好之所存也  
如縣康基淵詩

橫嶺倚雲見古城蔥蘢伴樹一林清  
行行遙指入夫

宅綠野無人芳草生

寂坐空山斗室微塵相不具  
愴忘情偶然化作雙鳧  
去去住無心更隨井

說法山中現宰身無點却屋已回春  
無言成信豚魚  
格朽猶歸口虎人

于為聯歌九殿深匹夫志而聖賢心  
孤臣獨有回天  
力水潭火焚兩不侵

月照空林世與不將箕帚易器也  
胡庭燕了時來  
去人向青山采石芝

嗚然入醉動微吟  
我忘形共古今吟罷不知明月  
上白雲拂袖理瓊琴

物外有身聊寄生  
遯來何事欲知名  
澗澗墨墨還初  
地到此方知眉宇清

天下人羞不識君  
思君不見階埃氛  
碑傳四絕人何  
處一珞香風以許聞

李素墓

唐河南少尹墓在鳴皋山下 韓愈墓誌銘  
元和七年二月一日河南少尹李公卒年五

十八斂之三月某甲子葬河南伊闕鳴皋山下前章  
之月其子道敏哭再拜授使者公行狀以幣走京師  
乞銘於博士韓愈曰少尹將以某月日葬宜有銘其  
不肖嗣道敏杖而執事不敢違次不得洗以請愈曰  
公行應銘法子又禮葬敢不諾而銘諸公諱素字某  
生七歲喪其父貧不能家母夫人提以歸教育於其  
外氏以明經選主號之宏農簿又尉陝之芮城李丞  
相泌觀察陝虢以材署運使從事以課遷尉京兆郡  
考滿以書判出其倫選主萬年簿而母夫人固在食  
其祿母夫人卒三年改尉長安選監察御史奏貶九  
卿一人改詹事丞遷殿中侍御史由度支員外郎遷  
令萬年公主奪驛田京兆尹符縣割界之公不與改  
度支郎中使侍郎介恃不禮其孀大夫士擅喜怒賞  
罰公獨入讓不受劉闢平上以蜀賞高崇文尚書省  
以崇文幕府爭益并因革便不便命公使崇文崇文  
命幕府准公命從即其日事已疏奏侍郎外稱其能

竟坐前敢抗已衢州飢得刺史侍郎曰莫如郎李某  
 遂刺衢州至一月遷蘇州李綺蒲反權將之戍諸州  
 者刺史至斂手無敢與敵公至十二日綺反公將左  
 仁與賊戰州門不勝賊呼入公端立責以義皆斂兵  
 以不過騎命械致公軍將斬以徇及境綺遣敗縛公  
 脫械還走州賊急卒不暇走死民抱扶迎盡出天子  
 使貴人持紫衣金魚以賜三年州稱治拜河南少尹  
 行大尹事呂氏子吳棄其妻著道士衣冠謝母曰當  
 學仙王屋山去數月復出間詣公公立之府門外使  
 吏卒脫道士冠給冠帶送付其母黜厲令二人以贖  
 減民賦錢歲五十萬請緩民輸期一月詔天下輸皆  
 緩一月公一斷治不收聲事常出名上曾祖宏泰簡  
 州刺史祖乾秀伊闕令父燮宣州長史贈絳州刺史  
 母夫人熒煌張氏其舅參有大名公之配曰彭城劉  
 氏夫人夫人先卒其葬以夫人附夫人曾祖曰子元  
 祖曰鍊皆有大名公之子男四人長曰道敏舉進士  
 其次曰道樞其次曰道本道易皆好學而文女一人  
 嫁蘓之海益尉韋潛自簡州而下皆葬鳴舉以下銘

曰彼高其上而坎其中  
以為公之宮奈何乎公

三王塚

縣東三王庄唐時憑忠恕兄弟三人皆以文學名憑與韓愈友善時稱三王今三塚並列

房瑄墓

在古城杜甫詩遠聞房太守歸葬陸渾山德興王後孤魂久客間孔明多故事安石

竟崇姓他日嘉陵

涕仍沾楚水壘

宋儒邵雍墓

在紫荆山下先生之親墓亦在焉距祠四里許明宣德年肇後祀韓隆六年知

縣徐璣重修布政司趙城記

程明道家諱銘熙寧

下已孟秋癸丑堯夫先生疾終於家洛之人叩哭者

相屬於途其尤親且禱者又聚謀葬事先生之子泣

以告曰昔先人有言諱於墓者必以篤存伯淳噫先

生知我者以是命我何敢辭謹接邵氏姬姓系出名

公故世為燕人先生曾祖諱令進以軍職逮事藝祖

始家衡漳祖諱德新父諱古皆隱德不仕母李氏其

繼楊氏先生之幼從父徙其城晚遷河南葬其親於

墓

伊川遂為河南人先生生於祥符辛亥至是蓋六十七年矣雍先生之名而堯夫其字也娶王氏伯溫仲良其二子也先生之官初與遺逸試將作監簿後以為潁川團練推官辭疾不赴先生始學於百泉堅苦刻勵冬不爐夏不扇夜不就席者數年衛人賢之先生嘆曰昔之人尚友千古而吾未嘗及四方處可已乎於是走吳造楚過齊魯客梁晉久之而歸曰道其在是矣蓋始有定居之意先生少時自雄其才慷慨有大志既力慕高遠謂先王之事為必可致及其學益老德益邵玩心高明觀天地之造化陰陽之消長以達乎萬物之變然後頽然其順浩然其歸在洛幾三十年始也蓬單環堵不蔽風雨躬糞耕以養其父母居之如講學於家未嘗強以語人而就問日舉鄉里化之遠近尊之士人之過洛者不之公府必之先生之廬先生德氣粹然望之可知其質然不事表裏不設防畛正而不諱通而不汙清明坦夷洞澈中外接人無貴賤親疎之間群居燕飲笑語終日不取其異於人顧吾所樂何如耳然其學以春秋行



遊城巾士大夫家聽其車音倒屣迎之者  
皆知歡喜尊奉其於人言必依者  
未嘗及其惡故賢者悅其德不賢者  
風俗成人材先生之功多矣昔  
傳可見者惟曾子子思而子思所以授孟子其於門  
人各以其材之所宜為學雖同尊聖人所則而入者  
門戶亦衆矣况後乎千歲師道不立學者  
來獨先生之學為有傳也先生得之於李挺之  
得於穆伯長推源溯流遠有端緒今穆李之言及其  
行事藥可見矣而先生純一不雜汪洋浩大乃其所  
自得者多矣然而名其學者豈謂門戶之衆而各有  
所因而入者與語成德者昔難其居若先生之道就  
所至而論之則可謂安且成矣先生有書六十二卷  
命曰皇極經世古律詩二千篇題曰擊壤集先生之  
葬祔於先塋實其終之年孟冬丁酉也銘曰嗚呼先  
生志豪力雄瀾步長趨凌厲空探幽素隱曲揚旁  
通在古或難先生從容有問有觀以飫以豐天不怒  
遺哲人之凶嗚皋在南伊流在東有寧以宮先生所

終

張齊賢墓

宋司空在海角村南今存古栢一株

克烈士希墓

元砲手總管龍沙人在鳴犂西其子墓  
顏鉄木耳墓亦在焉

孫教化墓

元昭勇大將軍左衛親軍都指揮使上輕  
車都尉夷山都督候在惠明山下

李指揮墓

失名與孫都督墓在邊

蘭溪墓

元都察院在首元村東

樞久公墓

元陝西蒙古軍萬戶雲中軍都候主實禮  
在雙梁村

曲出不花墓

元將仕佐郎貴赤衛知事主實禮在雙  
梁村

張伯玉墓

元左丞在東關

王燾墓

元至正間角

王燾墓

任亮墓

明指揮在望城崗

齊魯墓

明都御史在九龍山

孫鳳墓

明布政司在鐵冶坡北關外有呂涇野孫墓  
義交碑

王古竇墓

明少保

王守誠墓

明順德府知府並在牛  
岩南

李御史墓

明御史失名在玉泉山下

李興墓

明御史在莘縣西

孫濟墓

明昭信校尉在土橋溝北

蘓霖墓

明山東左叅政

蘇燾墓

明給事中並在田湖北蘇

董相墓

明御史在莘縣北

湯九州墓

石埭人明副總兵戰死九華山下墓在萬  
坪俗稱將軍墓

夏時墓

明遊擊在蕭嶺

汪燁墓

明吏部侍郎在望城崗北

屈動墓

明史科給事中在張

武君烈墓

官襄陽遊擊在武

義塚

一在東關周二十丈一在西關三元洞前  
外各村皆有不悉載